

عارفانہ کلام کا موضوعاتی انتخاب

کلامِ امیالِ محمد رحمۃ اللہ علیہ بخشہ

مؤلف

محمد توصیف

چشمِ کتب خانہ

ارشد مارکیٹ جھنگ بازار فیصل آباد



URDU ADAB DIGITAL

LIBRARY (BAIG\_RAJ)

اُردو ادب ڈیجیٹل لائبریری (بیگ راج)

I - II ریختہ کتب مرکز

+92-307-7002092

+92-335-6930700

واٹس ایپ: ایڈ من

اُردو ادب ڈیجیٹل لائبریری میں تمام ممبران کو خوش آمدید  
اُردو ادب کی پی ڈی ایف کتابوں تک با آسانی رسائی کیلئے  
ہمارے واٹس ایپ گروپس، فیس بک پیج اور ٹیلی گرام  
چینل کو جوائن کریں۔ اور با آسانی کتابیں سرچ اور ڈاؤنلوڈ  
کریں۔ لنکس پر کلک کر کے واٹس ایپ گروپس، فیس بک  
پیج اور ٹیلی گرام چینل میں شمولیت اختیار کی جاسکتی ہے۔  
ایڈ من سے رابطہ کیلئے نمبرز پر کلک کر کے ڈائریکٹ واٹس  
ایپ پر رابطہ کیا جاسکتا ہے۔

واٹس ایپ لنک:

[HTTPS://CHAT.WHATSAPP.COM/HI9ER6LOZGP9MXZBUJQFZD](https://chat.whatsapp.com/HI9ER6LOZGP9MXZBUJQFZD)

[HTTPS://CHAT.WHATSAPP.COM/FSBIJHJMKBQBNKUPZF5ZQ](https://chat.whatsapp.com/FSBIJHJMKBQBNKUPZF5ZQ)

TELEGRAM - [HTTPS://T.ME/JUST4U92](https://t.me/just4u92)

[HTTPS://WWW.FACEBOOK.COM/ALMUGHAL.URDU.PAGE](https://www.facebook.com/almughal.urdu.page)

فیس بک پیج لنک:

عظیم صوفی شاعر میاں محمد بخش رحمۃ اللہ علیہ کا مشہور زمانہ کلام

# کلام میاں محمد بخش



محمد توصیف

چشتی کتب خانہ

ارشد مارکیٹ جھنگ بازار فیصل آباد

Mob: 0300 7681230 0300 6674752 Ph: 0412646756



جملہ حقوق بحق ناشر محفوظ ہیں

کلام میاں محمد بخش	نام کتاب
میاں محمد بخش رحمۃ اللہ علیہ	شاعر
صاحبزادہ محمد توصیف حیدر چشتی	مرتب
جولائی 2013ء	پہلی بار
چشتی کمپوزرز 03226232632	کمپوزنگ
محمد اویس آفتاب چشتی سیفی	طابع
محمد حسنین حیدر	ٹائٹل
180/-	ہدیہ

ملنے کے پتے

چشتی لائبریری احمد نگر روڈ وزیر آباد 0300 8712036  
 کتب خانہ مقبول عام فیصل آباد، احمد بک کارپوریشن کمیٹی چوک راولپنڈی  
 علی برادران جھنگ بازار فیصل آباد، اسلامک بک کارپوریشن کمیٹی چوک راولپنڈی  
 ضیاء القرآن پبلی کیشنز لاہور، زاویہ پبلشرز سستا ہوٹل واما دربار لاہور  
 مکتبہ حنفیہ منج بخش روڈ لاہور، قادری رضوی کتب خانہ منج بخش روڈ لاہور  
 مکتبہ شان اسلام اردو بازار لاہور، کرماتوالہ بک شاپ لاہور، مکتبہ امام احمد رضا لاہور  
 محمد عرفان گل بیاسی چک حاصلی پور، مکتبہ فکر رضا لاہور، ادارہ پیغام القرآن اردو بازار لاہور  
 بک کارنز جہلم، مخزنہ علم و ادب اردو بازار لاہور، مشتاق بک کارنز لاہور

# اننتساب

آل رسول، اولادِ بتول تا جدِ اِگوڑہ

حضرت پیر سید مہر علی شاہ رحمۃ اللہ علیہ

دے ناں

محمد توصیف حیدر

# تذکرہ حقیریت

بحضور

عاشق رسول، اولادِ بتول

حضرت بابا بابھے شاہ قادری رحمۃ اللہ علیہ

محمد توصیف حیدر



## عارف کھڑی حضرت میاں محمد بخش رحمۃ اللہ علیہ

عارف کامل، شاعر کامل، عالم باعمل، حضرت میاں محمد بخش رحمۃ اللہ علیہ جنہیں ”عارف کھڑی شریف“ کے لقب سے یاد کیا جاتا ہے پنجابی زبان کے ان شعراء میں شامل ہیں جن کو لیجنڈ اور کلاسیک کا درجہ حاصل ہے۔

حضرت میاں محمد بخش قدس سرہ العزیز کا آفاق کلام دلوں پر براہ راست اثر انداز ہوتا ہے آپ کے مختصر حالات زندگی پیش خدمت ہیں۔

حضرت میاں محمد بخش رحمۃ اللہ علیہ 1246 ہجری بمطابق 1830ء کو کھڑی شریف آزاد کشمیر میں پیدا ہوئے جبکہ آپ کی تاریخ وفات 1907ء ہے آپ نے جذب و مستی اور روحانیت پر 14 کتابیں تحریر کیں جن میں سے ”سیف الملوک“ کو عالمگیر شہرت حاصل ہوئی آج بھی میاں محمد بخش رحمۃ اللہ علیہ کا کلام جوا شعرا کی صورت میں ہے بابا بلھے شاہ رحمۃ اللہ علیہ، بابا فرید رحمۃ اللہ علیہ اور دیگر اولیاء کرام کی طرح پوری دنیا میں جہاں جہاں پنجابی بولنے والے لوگ موجود ہیں ان میں عقیدت و احترام کے ساتھ پڑھا جاتا ہے۔ جو پذیرائی حضرت میاں محمد بخش رحمۃ اللہ علیہ کے کلام کو حاصل ہے وہ کم شعراء کے حصے میں آتی ہے۔

حضرت میاں محمد بخش رحمۃ اللہ علیہ کا کلام تصوف و روحانیت کے نکات سے بھی مملو ہے اور بہت سے ایسے اشعار ہیں جو ہمارے معاشرہ میں ضرب المثل کی حیثیت اختیار کر چکے ہیں۔ آپ کا کلام پوری دنیا میں ذوق و شوق سے پڑھا اور سنا جاتا ہے۔

## سلسلہ نسب

حضرت میاں محمد بخش رحمۃ اللہ علیہ خلیفہ دوم حضرت عمر بن خطاب رضی اللہ عنہ کی اولاد سے ہیں آپ کے والد گرامی میاں شمس الدین واقف راز حقیقت شہباز اوج طریقت حضرت پیران پیر پیراں شاہ غازی قلندر المعروف دمڑی والی سرکار کے دربار سجادہ نشین تھے آپ کے والد گرامی حضرت بابا دین محمد رحمۃ اللہ علیہ کو حضرت دمڑی والی سرکار رحمۃ اللہ علیہ نے حقیقی اولاد کی طرح اور روحانیت کے کمالات عطا فرمائے تھے۔

## آپ کی ابتدائی زندگی اور بیعت

حضرت میاں محمد بخش رحمۃ اللہ علیہ نے تحصیل علم کے لئے دور دراز مقامات کا سفر کیا اور اس وقت کے مشہور مشائخ سے ملاقات و کسب فیض کیا آپ نے بہت سے مزارات پر حاضری دی اور مراقبہ میں اولیائے کاملین سے ملاقات کی۔ پیر کامل حضرت دمڑی والی سرکار رحمۃ اللہ علیہ نے آپ کو



خواب میں ارشاد فرمایا کہ سائیں غلام محمد کلروڑی میرا روحانی فرزند ہے اس سے ظاہری بیعت کرلو۔ شیخ کامل کے حکم پر شیخ احمد ولی کاشمیری کی خدمت میں حصول فیض کے لئے حاضر ہو گئے۔

آپ سلسلہ عالیہ قادریہ میں بیعت تھے اس لئے محبوب سبحانی، غوث حمدانی، قطب ربانی حضرت عبدالقادر جیلانی رحمۃ اللہ علیہ سے بہت محبت فرماتے تھے آپ غوث پیا کی محبت میں مستغرق تھے۔

حضرت و مڑی والی سرکار رحمۃ اللہ علیہ کے روضہ اقدس پر حاضری معمولات میں شامل تھی اس لئے بعد نماز فجر وظائف سے فراغت یا کر قلندر صاحب رحمۃ اللہ علیہ کے روضہ مبارک میں جا کر جا روپ

بیگم راجہ

Urdu Digital Library

## دستار سجادگی

حضرت میاں صاحب کے والد گرامی نے ایام علالت میں اطراف سے قرب و جوار کے رؤسا اور علماء وغیرہ کو طلب فرمایا اور مجمع عام میں حاضرین سے خطاب کیا کہ انسان کی زندگی ناپائیدار ہے سفر آخرت درپیش ہے اس لئے مناسب ہے کہ اپنی موجودگی میں آپ لوگوں کے رُوبرو دستار سجادگی اور منصب خلافت دربار شریف اپنے فرزند محمد بخش کو دے جاؤں میرے خیال میں یہی فرزند ہے جو اس بار گران کا متحمل ہو سکے گا جب آپ یہ کلمات فرما چکے تو ہر طرف سے تائید کی آوازیں آنا شروع ہو گئیں۔



## شاعرانہ ذوق

جب کسی محب کی طرف کوئی تحریر کرنی منظور ہوتی تو عموماً منظوم ہی لکھا کرتے تھے۔ فارسی، اردو، پنجابی زبان میں بے تکلف اور جلدی اشعار لکھتے تھے۔ عربی زبان میں بھی آپ کی نظم اور نثر نہایت اعلیٰ پایہ کی ہوتی مگر کم اتفاق ہوتا تھا۔ آپ کے اشعار ترانہ حقیقی کا نغمہ ہیں۔ اہل دل کو ایک ایک مصرعہ پر وجد طاری ہو جاتا ہے ذرا توجہ کی تو بس ایک دریا ہے جو اُٹھا چلا آرہا ہے مسلسل سلسلہ نظم شروع ہو جایا کرتا۔ کوئی کیسا ہی تیز نویس ہوتا اور آپ اس کو جب تازہ اشعار زبان مبارک سے بول کر لکھواتے تو وہ ہرگز برابری نہ کر سکتا تھا۔

آپ کے کلام میں روانگی اور صفائی کے علاوہ باریک سے باریک اسرار اور معارف جو اہل کمال صوفیائے کرام صاحبِ حال کے جذبات پر شاہد ہوں، پائے جاتے ہیں۔ ایک ایک لفظ جو در و دل سے نکلا ہے، سامعین کے خستہ دلوں کو بیدار کرتا ہے

### دُنیا سے بے رغبتی

آپ تمام تعلقات دُنیاوی کو چھوڑ کر کنارہ کش ہو گئے تھے ان دنوں عجیب ذوق وارفستگی کی حالت تھی، مکلف لباس کی جگہ بدن پر کھل تھا اور



ساگ سبزی پر گزراوقات تھی۔ آپ نہایت قلیل غذا استعمال کرتے باوجود اس کے رُعب اور جلال چہرہ مبارک سے ٹپکتا تھا کہ بڑے بڑے حکام بھی روبرو آکر مرعوب ہو جایا کرتے تھے، تمام عمر کسی راجہ یا امیر دنیا دار رئیس کی ملاقات کے واسطے ہرگز تشریف نہیں لے گئے، والیان ریاست بھی آپ کے سلام کے واسطے حاضر خدمت ہوتے رہے۔

## والی ریاست کا زیارت کیلئے تشریف لانا

چنانچہ مہاراجہ صاحب حال والی ریاست جموں کشمیر بذات خود دربار شرف میں حضرت میاں محمد بخش رحمۃ اللہ علیہ سے سلام کے واسطے حاضر ہوئے اور نذر و نیاز پیش کی۔ ہمیشہ والی ریاست کی طرف سے جو نذر و نیاز آتا، آپ فقراء و مساکین اور مستحقین میں تقسیم فرما دیتے۔

## آپ کی تصانیف

آپ کی تصانیف سے متعدد کتابیں مشہور ہیں۔

- (۱) قصہ سوہنی مہینوال (۲) تحفہ میراں
- (۳) کرامات غوث اعظم (۴) تحفہ رسولیہ معجزات
- (۵) قصہ شیخ صنعان (۶) شیریں فرہاد
- (۷) نیرنگ (۸) عشق سخی خاص خاں



(۹) مرزا صاحبان (۱۰) شاہ منصور

(۱۱) ہدایت المسلمین (۱۲) گلزار فقر

(۱۳) تذکرہ مقیمی (۱۴) قصہ سیف الملوک و بدیع الجمال

## زیارت غوث پاک

آپ کی تمام تصانیف مقبول ہیں جب آپ نے درودِ دل اور شوق و وجدان سے حضرت شیخ عبدالقادر جیلانی غوثِ اعظم رضی اللہ عنہ کی جناب میں رجوع لا کر سی حرفی تصنیف فرمائی تو اسی رات کو خواب میں حضور غوثِ اعظم رضی اللہ تعالیٰ عنہ کی زیارت ہوئی اور آپ کو دربارِ غوثیہ میں برسرِ مسند خلعت فاخرہ پہنائی گئی۔

## آپ کا ترکِ طعام

ایک مرتبہ آپ نے اس طرح کا چلہ کیا کہ ہر قسم کا اناج کھانا بند کر دیا کوکن پیر کوٹ کر ایک تھیلی میں رکھ لئے۔ شام کو روزہ اسی سے افطار کیا کرتے۔ ساگ وغیرہ کسی قسم کی سبزی، نمک، مرچ ڈال کر پکائی جاتی اور قدرے قدسیہ استعمال کرتے۔ اسی طرح سے پانچ سال گزر گئے آپ کا بدن مبارک بالکل لاغر ہو گیا تھا۔



## وصال مبارک

ایک دن حسب معمول بعد نماز عصر آپ درود وظائف میں مشغول تھے جب آفتاب غروب ہو گیا اس وقت آپ نے بغرض ادائے نماز مغرب تازہ وضو کیا۔ ایک خادم نے آگ جلائی، موسم سرما تھا بعد وضو آگ کے قریب تشریف لا کر بیٹھ گئے۔

اسی وقت بدن مبارک میں کمزوری سی ہو گئی جس سے آپ ایک طرف کو جھک گئے۔ خادم دربار جو آگ جلا رہا تھا اس نے پشت مبارک پر ہاتھ رکھ کر دوسرے آدمی کو آواز دے کر بلایا۔

دونوں نے مل کر آپ کو چار پائی پر لٹا دیا اسی حالت میں دوسرے روز اسی آفتاب عالمتاب نے رُخ انور کو ہماری نظروں سے پوشیدہ کر لیا اور اپنے مالک حقیقی سے جا ملے۔

إِنَّا لِلّٰهِ وَإِنَّا إِلَيْهِ رَاجِعُونَ

خدا رحمت کند این عاشقانِ پاک طینت را

میاں محمد بخش پیارے راہ عرفان دا دسیا

ایسے جوڑے شعر پیارے ہر اک دا دل کھسیا

محمد توصیف حیدر

بِسْمِ اللَّهِ الرَّحْمَنِ الرَّحِيمِ

وَرَفَعْنَا لَكَ ذِكْرَكَ



# فہرست

- 17 حمدیہ کلام
- 27 حمد و مناجات
- 37 وحدت الوجود
- 40 نعتیہ کلام
- 47 حسن مصطفیٰ صلی اللہ علیہ وسلم
- 53 بیت معراج النبی صلی اللہ علیہ وسلم
- 61 بیت معجزات
- 62 نماز علی علیہ السلام کے لئے سورج کی واپسی
- 65 شانِ صحابہ رضی اللہ عنہم و اہلبیت علیہم السلام
- 69 استغاثہ
- 71 شیر خدا مولا علی علیہ السلام

73 بیت شانِ غوثِ اعظم رضی اللہ عنہ

83 عشق دیاں گلاں

92 ہجر دیاں گلاں

101 ولیاں دی شان نسبت دے شعر

107 سچیاں سچیاں گلاں

128 مان دی شان

132 منقبت حضرت پیر سید بہاول شیر قلندر رحمۃ اللہ علیہ

134 منقبت حضرت پیرے شاہ غازی رحمۃ اللہ علیہ

135 کھلے موتی

141 مکالمہ عقل تے نفیس

144 زیبا عیاں

145 اوّل حمد ثناء اللہ والی

145 اوہو نام اتار دا بھار میرے

146 تیرے نام خیال تھیں باہجہ کوئی

146 تیرے ملن دی آس تے جیونی ہاں



- 147 مگھ دس مینوں جیویں بھاوناں ایں
- 147 تیرے ملن باہجھوں کھلے صدر ناہیں
- 148 تیری بندی آں میں تیری بندی آں میں
- 148 ہن آپیا ریاہاری آں میں
- 149 جگ جگ جیوے اُستاد جانی
- 149 آیا وقت جاں نیک حساب اندر
- 150 اُستاد باہجھوں ناہیں کسب آوے
- 150 صحبت پیردی باہجھ تا شیر ناہیں
- 151 پانواں پیر کوئی جیہڑا یار میلے
- 151 چوداں طبق دسن وچہ پیر دے جیوں
- 152 ڈٹھا پیر نے دُرّیتیم رانجھا
- 152 ہتھ آیا عشق دا گنج تینوں
- 153 احسان کریں میرے نال پیرا
- 153 آیا منزلاں ماردا پاس تیرے
- 154 لڑی جوگیاں دی وچ سنجیا میں

- 154 ہو یا یار غریب اکیلیاں دا
- 155 جنہاں عشق را کھا ہو یا جان اُتے
- 155 نفی غیر دی جد تمام ہوسی
- 156 جیہڑا جان دا ویکھ دا حال تیرا
- 156 گڑیاں سوہنیاں تھیں نستیں دُور بلی
- 157 سڑی رت پیاں بے سوا دیاں فی
- 157 اس درد دا ہو رد وانا ہیں
- 158 ڈگیا آن میں ایس جناب اندر
- 158 ایویں رایگاں عمر گوانا ہیں
- 159 کریا د خداے نون ویلڑا ای
- 159 کئے غم ناہیں دل شاد ہو یا
- 160 ربا میں یتیم غریب عاصی
- 160 نون نفس ہے اونٹھ تے بار دُنیا
- 161 **دوہڑے**



حمید پر کلام

سیکس، راجہ  
UNIVERSITY LIBRARY

اَوّل حمد ثناء الہی جو مالک ہر ہر دا  
اُس دا نام چتارن والا کسے میدان نہ ہر دا

اِکناں دے پھل میٹھے کیتے پت اُنہاندے کوڑے  
اِکناں دے پھل کاری آون نفے پھلاں دے تھوڑے

ایس عجائب باغے اندر آدم دا رُکھ لایا  
معرفت دا میوہ دے کے واہ پھلدار بنایا

واہ واہ خالق سرجہارا ملکاں جن انساناں  
اربع عناصر تھیں جس کیتا گونا گوں حیواناں

قُدرت تھیں جس باغ بنائے جگ سنسار تمامی  
رنگ برنگے بوٹے لائے کجھ خاصی کجھ عامی



حکم اُہدے بن ککھ نیں ہل دا واہ قُدرت دا والی  
جیا جون نگاہ اوہدی وِچ ہر پتہ ہر ڈالی

آپ مکانوں خالی اُس تھیں کوئی مکان نہ خالی  
ہر ویلے ہر چیز محمد رکھدا نت سنبھالی

آپے دانا آپے بیٹاں ہر کم کردا آپے  
واحد لا شریک الہی صفتاں نال سیہا آپے

رب جَبَّار قَهَّار سنی دا خوف بھلا اُس بابوں  
ہے سَنَّا رَغْفَار ہمیشہ رحم اُمید جنابوں

صُمُّ بُکْمُ رہن فرشتے کس طاقت دم مارے  
در اوہدے تے عاجز ہو کے ڈھین بزرگ و چارے

بادشاہاں دے شاہ اُس اگے مونہہ مَلدے وِچ خا کاں  
او گنہار کھایا او تھے سچیاں صافاں پا کاں

واہ واہ صاحب بخشہارا تک تک ایڈ گناہاں  
عزت رزق نہ کھتے ساڈا دیندا فیر پناہاں

لطف کریندا کم کنندہ ہر دم کاج سنوارے  
سب خلقت دا رکھا اوہو بھیت پچھانے سارے

ناروں چا گلزار بنایا ابراہیم نبی تے  
گنتی کریے کی محمد کروا لطف سبھی تے

کھوہ سٹا کے آپ محمد پیغمبر کنعانی  
باراں سالان وی کڈھ قیدوں فیر وئی سلطانی

سب وڈیائی اُس نوں لائق بے پرواہ ہمیشہ  
ہکناں تاج سعادت دیندا ہکناں بد اندیشہ

وانا پیتا زوراور ہے نالے بخشہارا  
ہر دم مدد رُوحاں تُوں دیندا عقلاں نوں چکارا



اِکناں تُوں ایہہ تنگی دیندا روٹی باجھوں مر دا  
اِکناں تُوں اَن مئے خزانے غیبوں اَگے دھردا

جو چاہندا سو کردا آپو کوئی نہ حاکم اُس دا  
جان دیوے تاں زندہ بندہ کڈھ لوے تاں کھس دا

اوہو صاحب ملکاں والا اَسین تُسین سبھ بندے  
ہر اک دا رکھوالا آپے کیا چنگے کیا مندے

حکمت حکم اوہدے تھیں بھریا ایہہ تمام پسارا  
حکموں ظاہر اوہلے کیہہ اے جان دا اے جگ سارا

تُوں بے اَنت سچے رب سایاں دھن خدائی تیری  
مُول کسے نے اَنت نہ پایا ایڈ لکائی تیری

حکم تیرے بن ککھ نہیں بلدا جو چاہویں سو ہندا  
جس نوں آپ دلیری بخشیں اوہ میدان کھلوندا

مٹی وچوں کڈھ دکھاؤندا سوہنے گل ہزاراں  
خاکو چاء اچیرے کردا سرو بلند چناراں

رحمت دا مینہہ پا خدایا باغ سُکا کر ہریا  
بُٹا آس اُمید میری دا کر دے میونے بھریا

مٹھا میوہ بخش اجیہا قدرت دی گھت شیری  
جو کھاوے روگ اُس دا جاوے دُور ہووے دِگیری

سدا بہار رہوے اِس باغے کدی خزاں نہ آوے  
ہوون فیض ہزاراں تاں ہر بھکھا پھل کھاوے

جے تک تینوں طلب محمد اِس رستے ٹر اڑیا  
مڑ آون دی رکھ نہ رکھیں ایتھوں کوئی نہ مڑیا

اَوّل حسد خداوند تاں جو خلقت دا ساکیں  
تاں بُوون جس بُود بنایا ہر اک صورت تاں ساکیں



دو حرفاں تھیں پیدا کیے لوح قلم جگ سارے  
 کُنْ فَيَكُونُ محمد بخشا واہ قدرت دے کارے

آپ کاریگر خواہش کر کے اربع عناصر گوئی  
 تین قسماں پیدائش اوتھوں رنگ برنگی ہوئی

اک جماد ہوئے اُس وچوں ناں اوہ ہلدے جلدے  
 ہور نبات حیات نہ مردے پھلدے پھلدے جھلدے

حیوانات کیے فر تھے صاحب جسمان جاناں  
 قسم ہزار اٹھاراں کیتی دُنیا تے حیواناں

صورت جدا جدا ہر اک دی علم اُہدے وچہ آئی  
 رنگا رنگ بنائے کھانے دیندا ہر ہر جانی

ہر اک جون حباب اوہدے دی جان جسم وچہ پائی  
 قوت قوت مروت کولوں ثبت ثبوت کرائی

صورت سیرت آپو اپنی دتی رب پیارے  
ایک کیڑے وچہ پیراں رُلدے ایک پر بخش اڈارے

اکناں دے سرتاج ٹکائے ہد ہد شاہ یگانے  
اکناں گل وچہ طوق سیاہی پھر دے چور بیگانے

ایک بلبِل وچہ باغ دے جا کے کردی پھل نظارے  
ایک گھر سو وچہ قید پنجر دے ضائع عمر گزارے

ایک پتنگ چراغاں اُتے جان کرن قربانی  
آتش شوق اَلبے کولوں بدن ہووے نورانی

اک پر دار پکھیرو ہو کے چام چڑک بے چاری  
اتھھاں چوہا نہیرے دے وچہ روشنیوں بیزاری

قدر بقدری قوت ہر نوں بخشی بخشہارے  
ہمت دا لک بنتھے ناہیں دوس کہیں پرمارے



خاک ہو یاں نوں دُوجی واری مڑ کے زندہ گرسی  
وچہ میدان قیامت والے ہر کوئی لیکھا بھرسی

نہ کوئی رو ملاحظہ اوتھے نہ کوئی عُذر بہانہ  
جو کچھ کرسیں سویو ملسی ڈاہڈا عدل شہانہ

اوکھی گھائی مشکل اندر مدھ بن کوئی نہ والی  
آپ مسبب نال سبباں غموں کریں خوشحالی

میں عاجز تے کرم کماؤ کیتائی رحم رحیماں  
توں ہیں ساتھی بے کساں دالیناں سار یتیمیاں

اوّل حمد خداوند والی ، والی جو جگت دا  
جس گردوں سرگرداں کیتا دینے تے راتیں وت دا

اُپر انبر تنبو تانے بن تھمّاں بن لاہاں  
بازام زمین کھلہاری میخاں مار پیٹھاہاں

پانی تھیں چا عرش بنایا آدم کیتا خاکوں  
جان ایمان دتے اُس تائیں اپنے نوروں پاکوں

کم تمام میسر ہوندے نام اوہدا چت دھریاں  
رحمیں سکے ساوے کردا قہروں ساڑے ہریاں



## حمد و مناجات

اوّل حمد خداوند تائیں بخش ہار گناہاں  
ظلم بے ادبی جویں کیتی بخشش اُس دی چاہاں

اوکھی گھائی مشکل اندر مددہ بن کوئی نہ والی  
آپ سبب تے نال سبباں غموں کریں خوشحالی

میں عیباں وچ عمر کھڑائی کر کر کاغذ کالے  
فر اُمید نہ توڑیں رہا کر کرم دے چالے

میر تے پنڈ گناہاں والی قد میرے تھیں بھاری  
خونی ندی اجل دی آگے نہ میں تلہہ نہ تاری

فضل کریں تاں ڈھوئی سائیاں عدلوں نہ چھٹکارے  
کرم تیرے دی لکھی اُتے پاپ کمائے بھارے

جو کیتا سو بھلیاں کیتا سر پر میں تقصیری  
بدبختاں دے کم کمائے کر کر دیں فقیری

توں سب عیب چھپائی رکھے پردہ مول نہ چایا  
عزت رزق بدن وچ میرے کجھ نقصان نہ پایا

ناں اشنائی نال ملاحاں پتے نہیں مزدوری  
کون لنگھائے پار بندے نوں جاناں کم ضروری

عملاں والے لنگھ لنگھ جاون کون چڑھاوے مینوں  
پار چڑھاں بے رحمت تیری ہتھ پکڑاوے مینوں

تسن چھپن کہتے نہ ہندا سر مونہہ اگے دھریا  
قہر کریں تے کوئی نہ چارا رحم کریں تاں تریا

توں ایں دائم بخشہارا پانی اساں ہمیشہ  
پکڑ کریں تاں کد چھٹکارا کوتاہ فکر اندیشہ



ساری عمر اچاپت چائی کھٹی بُرے عمل دی  
کاغذ چھیک گناہاں والا کافی پھیر فضل دی

لکھیں خیر تِساڈے لیندے بن منگے بن لوڑے  
دین دواں سمھو ہتھ تیرے کوئی نہ ٹھاکے ہوڑے

میں پاپی شرمندہ جھوٹھا بھریا نال گناہاں  
اِکو آس تِساڈے در دی ناں کوئی ہوہر پناہاں

میں اُنھاں تے ملکن رستہ کیونکر رہے سنبھالا  
دھکے دیون والے بوہتے تُوں ہتھ پکڑن والا

کئی واری میں توبہ بھتی میں ہاں بے اعتبارا  
فر تیرے در توبہ کیتی بخشیں بخشہارا

مونہہ کالا شرمندہ عاصی کیہ تیرے در آواں  
مجرم تھیں چا محرم کرنا تیرا فضل سُچاواں

بن آئی جند نکلے ناہیں کوئی جہان نہ جھلدا  
ڈاہڈے دے ہتھ قلم محمد وس نہیں کچھ چلدا

توڑے ہاں بدکار گناہی اسیں بندے منہ کالے  
فیروئی دائم فضل ترے دیاں آساں رکھن والے

ٹوں غریب نواز ہمیشہ اسیں بندے درماندے  
کرم کریں تے ہے چھٹکارا بھکھے ہاں کرماندے

اکو تیری اوٹ خدایا ہو نہیں کچھ سچدا  
جس دیوے نوں آپ توں بالیں کد کسے تھیں بچدا

جس ویلے رب مہریں آوے ڈھل نہ لگدی ماسہ  
وتعز من تشاء واہ واہ اس دا پاسہ

رحمت دا جد پانی لگا تاں ہو یا ایہہ ہریا  
ہر لائی نے پھل پایا سر دھرتی جد دھریا

گنہ اوہدی نوں کوئی نہ پہتا عاقل بالغ داناں  
در جس دے سر سجدے سٹے لوح قلم اسماناں

جو جو رزق کسے دا کیتوس لکھیا کدے نہ ٹالے  
لکھ کروڑ تکے بریاںیاں فر وی اونویں پالے

بادشاہاں تھیں بھیکھ منگاوے تخت بہاوے گھاہی  
کچھ پرواہ نہیں گھر اُس دے دائم بے پرواہی

ہر درتوں دُرکارن ہوندا جو اُس در تھیں مڑیا  
اوسے دا اُس شان ودھایا جو اُس پاسے اڑیا

دوئے جہان اسماء زمیاں جو وافر بے اوڑے  
ونج سمندر اوہدے دے ہک قطرے تھیں تھوڑے

کھانے پا بہایوس چوکی ڈاہ زمیں دا پلا  
سجھن دشمن چنگے مندے دیندا ناں دھر کلا



جے اوہ قہر کماون لگدا کون کوئی جو چھٹ دا  
رحمت اس دی جگ وسائی ہر ہک نعمت لٹ دا

مان کریندیاں مان تروڑے مسکیناں دا ساتھی  
کوہ قافاں وچ روزی دیندا سیمرغاں نوں ہاتھی

ناں جس کم کمایاں کیتیاں او سے دولت کھٹیاں  
ناں جس عیب گناہ کمائے او سے رنجاں کٹیاں

جاں توں گم ہوویں وچ اُسدے اپنی چھوڑ نشانی  
ایہہ توحید محمد بخشا وے کون زبانی

جے کوئی غرق نہ ہو یا بھائی وحدت دے دریاوے  
کیہہ ہو یا جے آدم دسدا لیک نہ مرد کہاوے

لکھ گناہ تیرے در وچدے ایسا لطف غفوری  
اگے تیرے ہر کوئی عاجز کون کرے مغروری

اوہو صاحب ملکاں والا اسیں تھیں سبھ بندے  
ہر اک دا رکھوالا آپے کیا چنگے کیا مندے

امر اوہدے بن لکھ نہ ہلدا لکھ کرے کوئی زورے  
آپ دے توفیق چلن دی سبھتھے اس دی ٹورے

اک خداوند سرجنھارا کوئی نہ اُس دے جیہا  
رکھن مارن والا اوہو ہوروں خوف کو یہا

ہر ڈاہڈے تھیں ڈاہڈا آپے وڈھ شمار حسابوں  
بے نیاز اوہو جگ سارا منگن ہار جنابوں

اُسیں تھیں ہر کم کماپے نال اسباب ہتھیاروں  
اس نے بے کجھ پیدا کیتا بن اُسابوں یاروں

حکم اوہدے تھیں کوئی نہ نسدا اسیں حکم دے بندے  
جاں دم کڈھ لئے اک پل وچ مک جاون سبھ دھندے

کہتے رب سچے دے اُتے صابر شاکر رہنا  
اُس بن ہور نہیں کوئی والی ونج کسے در ڈھینا

تختوں لاه بہاؤے قیدی ہو نمانے بہنا  
دُکھیں بھریا حال محمد فیر اوسے نوں کہنا

مشکل پاؤن والا آپوں آپوں ہے حل کردا  
عاشق نوں لاء روگ پر م دا میل سجن ول کردا

سکھیاں نوں اوہ دُکھ سہاؤے پاؤے وخت امیراں  
اڈ دے پکھی قید کرائے چھڈے سخت اسیراں

وال برابر سیس نہ چاہیے حکم اوہدے ونج ہوئے  
اُس بن ہور نہ حاکم کوئی جس ذر جا کھلوئے

نام وراں دیاں ناماں اُتے نام تیرا سرناماں  
گنہ تیری ونج راہ نہ پایا کیا خاصاں کیا عاماں



اُس اگے کچھ دیر نہ لگدی سانوں مشکل بازی  
عاجز ویکہ محمد بخشا کرے غریب نوازی

کامل عشق خدایا بخشیں غیر ولوں مکھ موڑاں  
ہکو جاناں ہکو تگاں ہکو آکھاں لوڑاں

بال چراغ عشق دا میرا روشن کر دے سیناں  
دل دے دیوے دی رُشنائی جاوے وچ زمیناں

کیہہ کھٹیا کیہہ وٹیا اگے نہ گجھ ہتھ نہ پلے  
بوہا منگ کریم سچے دا رکھ جھولی کچھ گھلے

جگتوں باہرے پاپ کمائے لاء فقر دے جامے  
توں سچا میں جھوٹا ربا کیا لیکھا کیا نامے

نعمت بوہت دتی مدھ اتھے باہر لطف حسابوں  
اوسے لطف ہلایا مینوں لگی آس جنابوں

سرتے پنڈ گناہاں والی قدر میرے تھیں بھاری  
خونی ندی اجل دی اگے نہ میں تلہہ نہ تاری

آپے غم لگاوے سانوں آپ کرے غم خواری  
آپ پھٹے چھک گلےیں سٹے آپ کریندا کاری

بادشاہاں دا شاہ کہاوے نال غریباں یاری  
عسروں یسروں غریب نوازی کم سدا سرکاری

لوے بچا محمد بخشا رب بچاون ہارا  
آتش بلدی تھیں رکھ لیندا فضل کماون ہارا

## وحدتُ الوجود

وحدت دا دریا وڈیرا جاں موجاں وچ آوے  
ڈاہاں وکھریاں بھن ٹھہناں کھو لہر بناوے

قطرہ وچ پیا دریاوے تاں اوہ کون کہاوے  
جس تے اپنا آپ گواوے، آپ اوہو بن جاوے

وحدت دے دریا وچ پیناں کم نہیں ہر ہر دے  
لکھ جہاز ڈبے فرمڑ کے تختاں بار نہ دھر دے

اک صورت وچ سیرت پاوے اہل بصیرت تکدے  
اُنہاں تائیں ستمگر بھائی قدر پہچان نہ کردے

ہر صورت وچ جلوہ کر کے کردا خوب تماشے  
کیہڑا تیتڑ باز محمد کون بٹیرے باشے

عاشق دے دل کرے تجلی فر صورت ول جاوے  
پچھے ای دل جاندا بھجدا کون دقتے یاوے



عجز نیاز اوتھے رکھ جاندا ناز ترے وچ صورت  
یکتائی وچہ گھت جدائی دے نال ضرورت

مظہر ذات اپنی دا کیتا ایہہ انسان پیارا  
بھج وڑیا جو سایہ اُسدے اُسدا ہے چھٹکارا

باد صبا بن کون لیاوے خیراں گل دے پاروں  
لکھ ہزاراں پھرن پکھیرو پھلے باغ بہاروں

کہیہ کجھ بات وحدت دی دسّاں قدر نہ میرا بھائی  
ایہہ دریا اگے دا وگدا جسدا لاہنگ نہ کائی

بلیھے شاہ دی کافی سُن کے ٹھنڈا کفر اندر دا  
وحدت دے دریا دے اندر اوہ وی نال ہے تر دا

جنہاں اک گھٹ بھر کے پیتا وحدت دے مدھ لالوں  
علم کلام نہ یاد نے رہندے گذرے قال مقالوں

آپو آپ رہیا اس گھر وچ کوئی شریک نہ دوجا  
آپے ٹھا کر نام دھرائے آپ کریندا پوجا

آپے حاکم آپے رعیت مہر آپے پٹواری  
کون بٹیرا کھیڑا باشہ کھیڑا میر شکاری

بادشاہاں نوں تختوں سٹن کرن غریب نمانے  
تاج غریباں دے سر رکھن واہ محبوب سیانے

آپے لٹن آپے مارن آپے ذبح کر دے  
آپ نوازن محرم کر کے تاج سرے تے دھر دے

آپے پاڑن آپے سیون آپ لاء بجھاون  
آپ اُجاڑن شہر دلاں دے آپے فیروساون

آپ دُکھاون دُکھے تائیں آپ کرن غمخواری  
آپ حبیب طبیب دلاں دے دارو دین ازاری

# نعتیہ کلام

بیکے راج  
Urdu Digital Library



واہ کریم اُمّت دا والی مہر شفاعت کردا  
جبرائیل جیہے جس چاکر نبیاں دا سر کردا

اوہ محبوب حبیب رباناں حامی روز حشر دا  
آپ یتیم یتیمیاں تائیں ہتھ سرے تے دھر دا

جے لکھ واریں عطر گلابوں دھویئے نت زبانان  
نام انہاناں دے لائق ناہیں کیہہ قلمے دا کاناں

نعت اُنہاں دی لائق پاکی کد آسناں ناداناں  
میں پلٹ ندی وِچ وڑیا پاک کرے تن جاناں

سبھتے نور او سے دے نوروں اُس دا نور حضوروں  
اُس نوں تخت عرش دا ملیا موسیٰ نوں کوہ طوروں

نور محمد روشن آہا آدم جدوں نہ ہویا  
اول آخر دونویں پاسے اوہو مل کھلویا

پاک جمال اُہدے نوں سکدے روح نبیاں سندے  
حوراں ملک اُنہاندی خاطر خدمت کارن بندے

ولی جنہاں دی اُمت سُنْدے نبیاں نال برابر  
اُمت اُسدی نبیاں لوڑاں مُرسل ہور اکابر

خوبی شکل بلندی ہمت سچ گل نیک اعمالے  
نسب پسند تے حسب پاکیزہ قوت عقل کمالے

نور ندی وچہ خوب نہائے دیتی رب فصاحت  
خلعت پہن نبوت والا بیٹھے تخت رسالت

عیسیٰ خاک تُساڈے در دی گھن تیمم کروا  
تائیوں دست مبارک تیرا شافی ہر ضرر دا

خال غلامی اُس دی والا لایا پاک خلیلے  
جانی نوں قربانی کیتا مہتر اسماعیلے

موسیٰ ، خضر نقیب اُنہاندے اگے بھجن راہی  
اوہ سلطان محمد والی مُرسل ہور سپاہی

اوگنہار طفیل تساڈے اسیں بہشتیں جاییے  
رحمت آتے لقاء مہر دا پاک جنابوں پایے

ہور کسے کچھ نیکی ہوسی توشہ خرچ قبر دا  
میںوں اِکو نام تساڈا گہنا روز حشر دا

تینوں قوت بخشی مولا سب خلقت بخشاویں  
ہندے روز سوال نہ موڑیں نبی کریم کہاویں

دوست دشمن چنگا مندا جے کوئی ہوئے سوالی  
کد کریمیاں دے در آتوں مڑ آوے ہتھ خالی

رکھی جھول تساڈے اگے پاؤ خیر یتیمیاں  
اوگنہار پچھیں بھریا بخشیں نبی کریمیاں



خاطر اُسدی تخت سہایا اُچا عرش بریں دا  
مجلس پیٹھن کان وچھایا سُچا فرش زمیں دا

طہ تے یسین الہی صفت تُساڈی کردا  
سُخن نئیں کوئی ہندا میتھیں تیری شان قدر دا

ہر عزت لولاکی تینوں کی میں صفت مناواں  
آل اصحاب سمیت سلاماں ہور دُرو پچاواں

نوکر اُسدا سب جگ ہويا اوہ سلطان جہاں دا  
نوری بدن مبارک اُسدا سرور شاہ شہاں دا

آدم جن ملائک حوراں سب طفیل اُنہاں دی  
اوہ سلطان نبیاں دا ہويا ہر اک چیز اُنہاں دی

آدم اُجے نہ ہويا آہا جاں اِس نبی کہایا  
انبر دھرتی دوزخ جنت خاطر اِس دی پایا

مہتر نوں سلمان تے موسیٰ جھنڈا اُسدا چاندے  
اوس عزیز اگے ہو بردے یوسف جے وکاندے

سب صفتاں تھیں صفت وڈیری ہو یا فضل حضوروں  
کھلی عالی صفت مبارک پاک نبی دے نوروں

اوّل آخر تیک جنہاں دا شان نہ تھیندا ایہا  
صلی اللہ علیہ وسلم دہن حبیب اجیہا

جس چیزے تے ہتھ لگاوے خیر تے برکت پاوے  
اپنیاں انگلاں پاکاں وچوں تسیاں جل پلاوے

لکھ صلوٰۃ سلام نبی تے جو شفیع اُساہاں  
جرم سزاوے اوہدے چچھے رباں بخش پناہاں

پاک وجود شریف نبی دا مثل چراغے جیتا  
ظلمت کُفر جہالت اندر اللہ روشن کیتا

پکا علم نبی ٹوں دیتا سب علماں وچہ کامل  
ہر علمے دے مشکل مسئلے اُس تھیں ہوندے حاصل

ہے سلطان عرب دی نسبت اُٹی لقب تمہارا  
عرب عجم سب بندے تیرے ٹوں صاحب سردارا

تیغ زبان چلا عرب تے ملی فصاحت تینوں  
لائیں لُون شکار عجم دے خوب ملاحت تینوں

ٹوں ہیں باغ مُراداں والا پُھلتیں میوے بھریا  
سُتلی لکڑ وچہ نہ سوہے گلشن جھٹے ہریا

نام کلام ٹساڈے لکھے لہندا چڑھدا  
کی ہو یا جے کسے نہ ڈٹھا آپوں لکھدا پڑھدا

دُور پھریندیاں ٹوں پھڑ کر یو اندر قُرب حضوری  
گُفاراں دا ہاہ ہنیرا خاص بنائیو توری



## حسنِ مصطفیٰ ﷺ

گُرسی عرش نہ لوحِ قلم سی ناں سُورج چن تارے  
تاویں نُورِ محمدؐ والا دیندا سی چمکارے

چودھویں دے چن نالوں بوہتی چہرے نُورِ صفائی  
جاں حضرت مگھ کرن برابر اُٹھے اوہدی رشنائی

چہرے دی رُشنائی کولوں اندر چانچ سارا  
ویکھ خوشی تھیں ہاسا آیا واہ واہ شاہ ہمارا

حضرت عائشہؓ نے فرمایا ایک دِن مگھ نورانی  
اتنا نُورِ نبیؐ دے چہرے ویکھ لگی حیرانی

شبِ قدروں کیں حصے آیا نُورِ کناں اُس ویلے  
کوئی محروم نہ ہووے مثلاً ہر نوں صاحبِ میلے

حُسن بازار اُہدے سے یوسف بردے ہوو کاندے  
ذوالقرنین سلیمان جیسے خدمت گار کہاندے

پاک نبی دے گیسو اندر معجز سی ہر والوں  
کی نشانی کارن دستاں خبر ہووے اس حالوں

دلبر دا مکھ روشن ویدے ویکھن نال صفائی  
بہت بھلا اوہ ویکھن جیکر آپن چیت ویکھائی

اُسدے مکھ چوں نظریں آون بود نبود تمامی  
وچہ صفائی دے جگ دسن کیا خاصے کیا عامی

پاک وجود شریف نبی دا مثل چراغے جینا  
ظلمت گُفر جہالت اندر اللہ روشن کیتا

سورج وانگ نورانی متھا نظر نہ کیتی جاوے  
بے پتھر دل والا تکی اکھیں پانی آوے

لالی ویکھ پیشانی والی داغ لگے گل لالے  
دند چٹے جیوں چنبے کلیاں موتی کرے اُجالے

صاحب حُسن جمال گھنے دا روشن چن پیشانی  
کردا رات ہنیری تائیں وانگ شمع نورانی

جے لکھ صفت زبانوں آکھاں مُول نہ ہندی پوری  
پھل گلاب بہاری وانگوں دو رُخسارے نوری

قد مبارک آہا میانہ ناں لہماں نہ چھوٹا  
نازک بدن رنگیلا جُشہ بے انداز ناں موٹا

بدن مبارک وانگر چٹا جیونکر خالص چاندی  
اک دُوجے اعضا دے اُتے تابش پوے اُنہاں دی

اُو ادنیٰ دے حرم سرا وچ جو محرم سَن پیارے  
قابِ قوسین اونہاں نوں دے وحدت تیر اُلازے



شیر دلاں نوں ہرناں وانگر مارن وقت شکارے  
گوہڑے نین محمد بخشا جو دے متوارے

ایسی نظر اکھیں وچ آہی جیسی ہور نہ کے  
چانن آتے ہنیرے اندر اکو جیہا دے

دو رخسارے صاف نورانی ہڈ باہر نہ دے  
ایہہ موزون مبارک صورت ہور نہ پائی کتے

مستھا بہت فراخ چمکدا ناں وٹ وچہ نہ بستہ  
آبرو سن محراب کشادے لیک آہے پیوستہ

نوری موتی دند مبارک بہت براق سفیدی  
وتھ دنداں وچ آہی جس تھیں نکلے لو نوریدی

لہتیں گردن صاف رنگیلی وانگر چٹی چاندی  
اک دوسے تھیں دور دو موہڈے دے وتھ دونہاں دی

واہ سینہ بے کینہ آہا چیرا لٹاں سارا  
شکم مبارک مشکیں بھریا نال کدے ہموارا

بہت آہی خوشبو بدن وچ جو جو پاس کھلونڈے  
باس بہشتی اُسدی کولوں مغز معطر ہوندے

لکھ لکھ عاشق حُسن تیرے وچہ ہو حیران کھلوتا  
اک اک نظر تیری تھیں ہر اک سچی لڑی پروتا

متھے دا چکارا جیہا دسدا سی نورانی  
جئے پاک وچوں سی چڑھیا گویا چن آسمانی

جاں ول سورج کردا آہا پاک نبی پیشانی  
نور نبی دا غالب آوے سورج ہووے نہ ثانی

سو سلیمان سکندر چاکر جاہ جلال اوہدے دا  
لاکھ سرو آزاد ہے گولا نونہال اوہدے دا

لکھ جمشید فریدوں دارا نفر اقبال اوہدے دا  
گل نبی محتاج نہ ثانی قدر مجال اوہدے دا

واہ سرور جے چاکر ہو یا بدر ہلال اوہدے دا  
خُوراں خال لگائے مکھ تے رنگ بلال اوہدے دا

صُورت وچوں حُسن سجن دا پردہ کھولن والا  
سیرت وچ جمال سائیں دا دِسا خوب اُجالا

پاک محمد عربی یارو جس تھیں اوّل آخر  
باطن اندر سبھ تھیں اوّل آخر سبھ تھیں ظاہر

سچے رب تینوں وڈیا یا کوئی نہ تیرا ثانی  
تیرے حکم تھیں دوہیں جہانے روشن زمیں آسمانی



بیت

معراج النبی ﷺ

آئی رات مبارک والی بھاگ اساڈے جاگے  
سجناں تے خوش مشکاں ڈہلیاں دشمن سر سہاگے

آسماناں پر تارے روشن شمع چراغ یگانے  
سکدیاں یاراں نوں آپونہتے سکاندے پروانے

وحی وکیل لیا سدا نالے گھوڑا جوڑا  
آملیے اک جوڑ محمد تینوں قرب نہ تھوڑا

نوح قلم آسماناں زمیاں دوزخ جنت تائیں  
گُرسی عرش معلیٰ ویکھیں سیر کریں سب جائیں

عزت قرب تساڈا ویکھن حوراں ملک پیارے  
نالے روح نبیاں سندے ہون سلامی سارے

دوزخ جنت وچہ آسماناں جو خلق اللہ وسدی  
پاک جمال تساڈے کارن ہر دی جان ترسدی

وکیہ جمال حبیب میرے دا صدقے صدقے جاوَن  
شرف سعادت پاوَن سارے شکر بجا لیاوَن

ہویا سوار بُراقے اُتے اوہ سلطان عرب دا  
چائی واگ محبت والی پھڑیا راہ طلب دا

لے لے نذراں ملدے اگوں رُوح تمام نبیاں  
خدمت اندر حاضر ہوئے بدھے لک ولیاں

سے سنگار کیے سب حُوراں منگل گاؤں کملیاں  
اَنج جنجاں دا لاڑا آیا مَل مَل رکھو گلیاں

اَسری دا سرگشت سرے تے افسر سی لولاکی  
طاہا تے یسین پھلاں دا سہرا شرم تے پاکی

سوہنی جھنڈ معبر سر تے چمکے نُور دکھانوں  
سُرمہ سی مازاغ اکھیں وچہ گل تعویذ قرآنوں



نعت دُرود صلوٰۃ سلاموں چھٹیاں جھون قطاراں  
صلی اللہ علیہ وسلم کرن نقیب پکاراں

چھوڑ آسمان زمیناں تائیں سرور گیا اگیرے  
جتنے وحی نہیں ونج سکدا ہٹ بیٹھا کر ڈیرے

سرور نے فرمایا اُس نوں جے تُوں ساتھی میرا  
چل اگیرے نال اساڈے کیوں بیٹھوں کر ڈیرا

کیتی عرض فرشتے حضرت کون اسیں بیچارے  
جے اک گٹھ اگیرے ہوواں سڑ جاندا پر سارے

نہیں مجال اساڈی اگے چمکن نُوں تھلی  
ایسا قُرب تِساں نوں لائق جاہو ہک ہکلا

جتنے قدم تِساڈا اوتھے ہوو نہیں کوئی سجدہ  
اہل کمال جلال محمد توں ہی توں ہی سجدہ

سبھ کسے تھیں گئے اگیرے چا چا پردے ٹوری  
قاب قوسین او ادنیٰ تائیں پایا شان حضوری

جانی نال ملے دل جانی وِتھ نہ رہیا ذرّہ  
خلعت تحفے ہدیے لے کے آئے پھیر مقررہ

ایسا نبی جنہاں دا والی سو اُمت کیوں جھرسی  
عیب گناہ خطایاں بابت کیوں دوزخ ول ٹرسی

مہتر موسیٰ طور دے اُتے چڑھ کہیا ربِ ارنی  
سچے رب فرمایا اُسُنوں موسیٰ لاتذرنی

اس نوں چاہڑ براق سدایا کرسی عرشوں اگے  
قاب قوسین او ادنیٰ کہیا سُنیا سارے جگے

جدوں براق فرشتے آندا کارن خاص سواری  
جاں شاہ چڑھن لگے تان گھوڑے عرض گزاری

ابن عباس روایت کر دا شک ذرہ وچہ ناہیں  
جے دیوے دی لوئی حضرت بہندے سان کداہیں

تاب نبی دا غلبہ کردا گھٹ دا تاب چراغے  
سوہناں قد نبی دے جہیا سرو نہیں وچہ باغے

جاں ول سورج کر دا آہا پاک نبی پیشانی  
نور نبی دا غالب آوے سورج ہووے نہ ثانی

واہ سرور جے چاکر ہو یا بدر ہلال اوہدے دا  
خوراں خال لگائے مکھ پر رنگ بلال اوہدے دا

سورج روشن ہک چمکارا نور جمال اوہدے دا  
خوشبو دار پیراہن گل دا عکس رومال اوہدے دا

لعل پتھر وچہ کردا جلوہ حسن کمال اوہدے دا  
دُر یتیم سپاں وچہ پانی اثر ظلال اوہدے دا



گل ملکاں دے پراوڑندے مُل پک وال اوہدے دا  
تاں گل سرخرو ہو یا جی ہمرنگ آل اوہدے دا

سو سلیمان سکندر چاکر جاہ جلال اوہدے دا  
لاکھ سرو آزاد ہے گولا نونہال اوہدے دا

لکھ جمشید فریدوں دارا نفر اقبال اوہدے دا  
گل نبی محتاج نہ ثانی قدر مجال اوہدے دا

سب دینداراں تاج ٹکایا سر پر ڈال اوہدے دا  
راہ پیناں دا سُرمہ گھٹا راہ پامال اوہدے دا

مُرسِل دست آویز پکڑ دے پاک دوال اوہدے دا  
رستم سام نہ جھلدے اگا شیر جلال اوہدے دا

گل عالم سرِ صدق جو بن بے مثال اوہدے دا  
کچے لاکھ پکائے ہکسو سوز اوبال اوہدے دا

لکھ عاقل دیوانہ ہو یا مڈھ حلال اوہدے دا  
 اوہو ذوق محمد منگے شوق وصال اوہدے دا

کی کچھ نعت تساوی آکھاں خلقت دے سردارا  
 لاکھ صلوٰۃ سلام تیرے تے لکھ درود ہزارا



# بیت مہجرات



## معجزہ سرکارِ دو عالم ﷺ نمازِ علی علیہ السلام کے لئے سورج کی واپسی

فتح کیتا جد پاک نبی نے خیر دا گڑھ پکا  
مومن نال خوشی دے بیٹھے پیا جہوداں دھکا

شاہ علی دے گوڈے اُتے سرورِ سری دھریا  
اس حالت دی مستی اندر رب دا وحی اُتِریا

حضرت نال وحی مشغولی دس باہروں سوئے  
دیگر وقت فرض دا چلیا شاہ متفکر ہوئے

جے ہلاں تاں پاک نبی نوں ہوسی بے آرامی  
نہیں تاں فرض قضا ہووے گا متھے لگ سی خامی

شاہ علی نوں اس فکر وچہ غم دی آتش تایا  
دوہاں ولاں تھیں رہ نہ آوے کیکر کراں خدایا

اوڑک ایہہ قبول کیتونے یار ولوں رہ آوے  
یار ہووے دِلیگر محمد گھوہ عبادت پاوے

تقصیروں دل گیر نہ ہونون شالا یار یگانے  
ہور عذاب سرے پردھر ساں پوے نہ بھنگ یرانے

ویکھدیاں دن لتھا اوتھے حضرت شاہ نہ ہلے  
ہوئی قضاء نماز عصر دی غم تھیں آسو چلے

جدوں فرشتہ رخصت ہو یا سرور اٹھ کھلویا  
شاہ علی ٹوں روندنا تک کے پچھن کہو کی ہو یا

کیوں ٹوں ٹھنڈیاں آہیں ماریں کیوں ہنجواں پر روندنا  
درد رسیدہ نالہ تیرا پتھر سخت پروندنا

کہو کی درد اُجیہا لگا زرد کیتوں جس مر دا  
حال بے حال ہو یا کیوں تیرا بیدن دس اندر دا

شاہ علی فرمایا اگوں سُنتوں پاک رسول  
جان تیرے توں صدقے جاوے اللہ دے مقبولا

ہوئی نماز قضا عصر دی اوں نقصانوں روند  
کدہن سورج میرے کارن مڑ کے چڑھ کھلوندا

حضرت غم عل یدا تک کے لگے کرن دعائیں  
ربا سورج دیگر اُتے چھب دے آن دکھائیں

کرے ادا فریضہ حیدر دُور ہووے غم اُسدا  
نہیں تاں ایہہ جوان رنگیلا خوف گنوں ہن گسدا

سورج رب لیاندا باہر مغرب وتوں مڑ کے  
دیگر اُتے آن کھلوتا ہویا سلام اوڑ کے

حضرت شاہ نماز گزاری تاں پڑھیا شکراناں  
معجز پاک نبی دا ہویا روشن وچہ جہاناں



بیت

شانِ صحابہ رضی اللہ عنہم

و

اہلبیت علیہم السلام

بخش محبت آل اپنی دی مست کریں اس جاموں  
ملے شہادت نال ارادہ رکھ ہر رنجوں عاموں

مُدھ پر ہوں درود اللہ دے آل اولاد تیرے تے  
پیرواں اصحاباں اُتے پہن بنیاد تیری تے

پیر مرید صدیق اکبر سن پہلے یار پیارے  
حق جنہاں دے ثانی اثنین او ہما فی الغارے

یار دوجا فاروق عمر سی عدل کیتا جس چڑھ کے  
ایہہ شیطان رجم رُلا یا پنچے اندر پھڑ کے

شب بیدار غنی سی تریجا جامع جو قرآنی  
عثمان ذوالنورین پیارا مہتر یوسف ثانی

چوتھا یار پیارا بھائی خاصہ دل دا جانی  
دُل دل دا اسوار علی ہے حیدر شیر حقانی

ستر دو بہتر واری راہ اللہ دے وکیا  
دو لے امام دتے راہ مولیٰ فیر صبر کر ٹکلیا

ربا انہاں اماں کچھے جو گل لال نبی دے  
پاک شہید پیارے تیرے افسر آل نبی دے

اکناں عشق تیرے دے پیتے بھر بھر زہر پیالے  
خنجر بھاگ محبت والی اکناں بدن حلالے

ہندی قوت زور نہ لایا بیٹھے من رضا میں  
پانی باجھ پیاسے چلے دین دنی دے سائیں

عشق تیرے وجہ گھائل ہوئے مائل حسن ازل دے  
سر دتے پر سی نہ کیتی شادی کر کر چلدے

پیر سنے وجہ نیر عشق دے بیڑا میرا تاریں  
میں عاجز مسکین بندے نوں نال ایمانے ماریں



توڑے رو سوال کریسی توڑے عرض قبولے  
میں وی دوہیں جہانی پھڑیا دامن آل رسولے

دین اسلام محمد تائیں قوت بخش پرانے  
دامن آل تیری دا پکڑاں ہتھ دیہو سترانے

لکھ صلوٰۃ سلام اوہناں تے ہر فجری ہر شاماں  
آل اولاد اصحاباں اُسدیاں ہون دُرود سلاماں

بیگے راجہ

Urdu Digital Library

## استغاثہ

یا نبی اللہ جے کجھ دتا قدر تینوں رب والی  
 ذرے جتنا گھٹ دا ناہیں جتھوں ہندا حالی

اوگنہار طفیل تساڈے اسپں بہشتیں جاپے  
 رحمت اتے لقاء مہر دا پاک جنابوں پاپے

ہور کسے کجھ نیکی ہوسی توشہ خرچ قبر دا  
 مینوں اکو نام تساڈا گہناں روز حشر دا

تینوں قوت بخشی مولا سب خلقت بخشاویں  
 ہوندے زور سوال نہ موڑیں نبی کریم کہاویں

دوست دشمن چنگا مندا جے کوئی ہوئے سوالی  
 کد کریمیاں دے در اتوں مڑ آوے ہتھ خالی

رکھی جھول تساڈے اگے پاؤ خیر یتیمیاں  
اوگنہار کوچجیں بھریا بخشیں نبی کریمیاں

کیستی بے فرمانی تیری بھلا پھرے وس راہوں  
نام اللہ دے بخش بے ادبی ناں کر پکڑ گناہوں

سخن نہیں کوئی ہندا میں تھیں تیرے شان قدر دا  
طاہا تے یسین الہی صفت تساڈی کر دا

بہت صفت لولا کی تینوں کی میں صفت سناواں  
آل اصحاب سمیت سلاماں ہور دُرود پچاواں

آل اولاد تیری دا منگتا میں کنگال زیانی  
پاؤ خیر محمد تائیں صدقہ شہ جیلانی



## شیر خدا مولا علی علیہ السلام

چوتھا یار نبی دا پیارا خاصہ دل دا جانی  
دُل دل دا اَسوار علی ہے حیدر شیر حقانی

لحمک لحمی دمک دمی شان جہدے وچ آیا  
سختی بہادر جگ وچ نادر جسدا عالی پایا

ذوالفقار جہناں نوں اُتری خلعت فقر حضوروں  
جگ جہان ہوئی رشنائی شاہ مردان دے نوروں

میرے پیر علی دے آگے بٹاں سیس نوائے  
خیبر دا در توڑ کے مولا ڈنکے دین وجائے

غالب شیر اللہ دا سوہنا بھائی پاک نبی دا  
گنتی وچ نہ آوے ہرگز رُتبہ شاہ علی دا

نام اُہدا سُن زور ہے ٹٹ دا دیوواں تے عفریتاں  
نعرہ سُن کے گوٹ گرن گے پوسی بھاج پلپیتاں

دُل دل دا اسوار رہوے گا خیر دُل دُل کر سی  
دُل دل سٹ سی لکھ کفارا جت پاسے منہ دھری

چوٹ اُہدی نوں کوئی نہ جھلے دشمن ملن منجا  
سے رستم لکھ بہن ثانی جھل سکن نہ پنجه

زور اوہدا کوئی جھل نہیں سکدا فاتح ہر میدانوں  
دین اسلام ہے پکا کیتا کڈھ کے کفر جہانوں

حیدر صفدر شیر بہادر شاہ دلیر سپاہی  
سے سورج تھیں روشن ہوئی کر سی دُور سیاہی

زمیناں تے آسماناں اُتے نوبت اُسدی کھڑکی  
خوراں ملک تقیب ہوون گے جس پاسے اٹھ فرسی

بیت

شانِ غوثِ اعظم رضی اللہ عنہ



آل اولاد تری دا منگتا میں کنگال زینانی  
پاؤ خیر محمد تائیں صدقہ شاہ جیلانی

واہ واہ میراں شاہ شہاناں سید دوہیں جہانی  
غوث الاعظم پیر پیراں دا ہے محبوب ربانی

آل نبی اولاد علی دی سیرت شکل اونہاں دی  
نام لیاں لکھ پاپ نہ رہندے میل اندر دی جاندی

سے برساں دے موئے جوائے سکے پیر وگائے  
گھسے رُوح فرشتے ہتھوں لکھے لیکھ مٹائے

غوثاں قطباں دے سر میراں قدم مبارک دھریا  
جو دربار انہاں دے آیا خالی بھانڈا بھریا

اوس محبوب الہی جیسا جگ تے سخی نہ کوئی  
مشت نمونہ سر خرداروں اک دن کیسی ہوئی

ڈیگر ویلے اک مریدے کیتی عرض ضروروں  
یا حضرت آج کوئی سخاوت ڈٹھی نہیں حضوروں

باطن اندر کیتی سائیاں سانوں نظر نہ آئی  
یا کوئی ہور اصرار اجیہا جیس دیہاڑ لنگھائی

حضرت نے فرمایا شخصہا ہے لکھ باطن کیتی  
لیکن تہاں ڈٹھی نہ کوئی جو بیتی سو بیتی

ظاہر وی کچھ دتہاں تینوں پل نہ جاندا خالی  
ایہو جئی ہمیش سخاوت کھڑ دی روز سوالی

ست دیہاں کوئی عاصی مجرم چن چن بُرے لیاؤ  
نظر اساڈی آگے رکھو ساعت ڈہل نہ لاؤ

خدمت گاراں پکڑ لپانڈے اوگنہار نکارے  
میراں نظر کرم دی کیچی غوث بنائے سارے

اک کوئی ولی اللہ دا ہو رو کے تقصیراں  
چور اچکا تے منہ کالا پیر بنایا پیراں

جتول جاوے نکے وڈھے لوک سبھو درکارن  
ایہہ مردود الہی مندا آیا ہے کس کارن

منگیاں خیر نہ پیندا کدھروں نہ ملدا گھٹ پانی  
بھکھا تے ترہایا وت دا پکڑی چال نمائی

ترے سے سٹھ (۳۶۰) ولی دی قد میں لگا وارو واری  
اوہ تقصیر معاف نہ ہوئی دن دن وودھ قہاری

صاف جواب ولیاں ویتا ٹوں مردود جنابی  
بے کوئی کرے شفاعت تیری اوسدی باب خرابی

اُوڑک اک ولی نے کہیا جا بغداد سہاوے  
اوہ میراں محبوب خدا دا مت تینوں بخشاوے

مونہ کالا کر گیا نماںناں حضرت دی درگاے  
حق اوہدے وچہ رحمت منگی میراں شاہنشاہے

ہویا حکم جنابوں میراں ناں کر اس دی یاری  
جو اوپر الہ اس دا کرسی اوسدے باب خواری

ایں گلوں محبوب الہی رُس ہویا مڑ راہی  
جاں اک حکم اُٹھایا اونویں ہویا حکم الہی

ایہہ مردود زیانی بخشاں ہور ہزار اجیہا  
رُس نہیں محبوب پیارے مینم تیرا کیا

دو جا قدم اُٹھایا حضرت فیر کہیا رب والی  
دو ہزار اجیہا بخشاں نالے ایہہ سوالی



تیجا قدم مبارک چایا آیا حکم حضوروں  
ترے ہزار تے اک ایہہ وی واصل کرساں نوروں

تیرا کپہا کدے نہ موڑاں اے محبوب یگانے  
اوہ ساری جد قطب بنائے پیر پڑھے شکرانے

ایسی عزت خاطر تیری رب دے خاص عزیزا  
آس تِساڈی رکھاں میں وی اوگنہار ناچیرا

سیوا دار تِساڈا حضرت کوئی نہ رہیا خالی  
سخی دوار تِساڈے اُتے میں کنگال سوالی

لکھاں خیر تِساڈے لپندے بن مسکے بن لوڑے  
دین و دان سمھو ہتھ تیرے کوئی نہ ٹھاکے ہوڑے

میں پانی شرمندہ جھوٹا بھریا نال گناہاں  
اکو آس تِساڈے در دی ناں کوئی ہو پناہاں

میں اٹھاں تے۔ تِلکَن رستہ کیونکر رہے سنبھالا  
دھکے دیون والے بوہتے تُوں ہتھ پکڑن والا

توں پکڑیں تاں کوئی نہ دیکھے پہنچ شتابی کر کے  
گھسن گھیر اندر مَن تار و لگ ناں سکاں تر کے

تِلک تِلک کے منہ سر بھریا گندی گلی گیا ہاں  
تکدے لوک تماشے حضرت میں بے حال پیا ہاں

پاک نہیں ہتھ پکڑا اٹھاندے بھر لوں نال پلیتی  
یا میراں کی حال بندے دا جے تده سار نہ لیتی

چوراں نُوں نُوں قطب بنایا میں وی چور اُچکا  
جس در جاواں دھکے کھاواں اک اور تکا

سُن فریاد پیراں دیا پیرا دھکا دیں نہ مینوں  
بکیساں دا والی توہیں شرم دتی رب تینوں

آپ مہارے کچھے پیاں سٹ نہ جائیں مردا  
عرض کریندے لائق شاہا سخن نہ میں تھیں سردا

عرض کراں شرمندہ تھیواں کی میں کراں ککارا  
منہ میرا کد عرضاں لائق ناقص عقل بے چارا

مت کوئی سخن اَن بھاناں نکلے عاجز مفت مریواں  
رکھو قدم میرے سر حضرت سدا سکھالا تھیواں

بچیاں دے سر صدقے میں ول نظر کرم دی پاؤ  
شاہ مقیم محمد کچھے پاک جمال دکھاؤ

میں وی جاناں اوگنہاراں لائق نہیں جمالاں  
تینوں سب توفیقاں حضرت نیک کرو بد حالاں

ویج نفحات الانس کتابے لکھیا حضرت جامی  
جیہڑے عارف کامل ہوئے جانے خالق تمامی

قدم مبارک والا مسئلہ بالتفصیل سنایا  
جس جس ولی روایت کیتی اوسدا نام لکھایا

حاضر غائب سب ولیاں نے نال ارادت خاصی  
سیر اکھیں پر قدم ٹٹھائے جو منکر سو عاصی

وچہ حیاتی بعد مماتی فیض شہاں دا جاری  
پان ارادت مند حضوروں دم دم مدد یاری

روز جمعہ دے ممبر اُتے سید عبدالقادر  
اک دن خطبہ پڑھدے ہو یا حکم الہی صادر

اے محبوب پیارے میرے نہیں کسے تھیں ڈرٹوں  
سب ولیاں دی گردن اُتے قدم مبارک دھرٹوں

جے کوئی تیرے قدم مبارک سرگردن نہ چا سی  
فقر ایمانوں خارج ہو کے دین دُنی تھیں جاسی



تاں فر ہذا قدمی کلمہ حضرت بول سنایا  
ہر اک ولی ولایت والے سر نیواں کر چایا

سُخن کسے دے ہیرے موتی کوئی جواہر لعلوں  
پک چراغ پک شمع محمد پک مانند مثالوں



# عشق دیباں گلاں

بیگم راجہ

Urdu Digital Library

عشق بہادر کسے ناں ولیا ناں بچیا کوئی لڑکے  
شاہ منصور انا الحق کہنوں رہیا نہ سولی چڑھ کے

عاشق دا جو وارو دے ، باہجھ ملاپ سجن دے  
اوہ سیاناں جان آیانوں روگ نہ جانے من دے

حیدر عشق زور آور سب توں قتل کریندا اڑیاں  
جے کوئی صلح کرے سو چھڈے کوئی نہ بچدا لڑیاں

جنہاں درد عشق دا ناہیں کد پھل پان دیداروں  
جے رب روگ عشق دا لاوے لوڑ نہیں کوئی واروں

عاشق بن سکھا لا ناہیں ویکھاں نیوں پتنگ دے  
خوشیاں نال جلن وچ آتش موتوں ذرا نہ سنگ دے

عشقے اندر صبر نہ رچدا ، سورج میل نہ لگدی  
بحر سمندر کر نہیں سکدا پردہ پوشی اگ دی

زُلف اندر سے سنگل کُنڈے کر دے قیدِ دِلاں نوں  
پیر عشق وچ پا محمد کون بچے خفقانوں

دلِ مومن دا شیشہ بنیا اک دوجے دے کارن  
پر جے سان عشق دی دھر کے خوب زنگار اُتارن

جے محبوب پیارا اک دن وٹے نال اُساڈے  
جاناں اُج ہما پکھیرو پھاتا جال اُساڈے

اک تگاوا عشق ترے دا دُوجی بُری جدائی  
دُور وسیندیا سچناں مینوں سخت مصیبت پائی

عاشق دی معشوقاں اگے چوری عرض چُچائی  
باہجھ پیا تھیں بھیت سجن دا ہوراں نہیں سُنائی



لہنیں رات وچھوڑے والی پل جھل سکھیاں جانے  
جو کوئی قید عشق دے اندر قدر اوہو کجھ جانے

عشق زور آور تے مونہہ تاناں گھوڑا باجھ لگاموں  
راہ گراہ نہ دیکھ محمد بھیج دا جا مقاموں

جے تُوں طالب راہ عشق دا چھڈ وہماں دسواساں  
ہمت دا لک بنھ محمد رکھ آساں پیا پاساں

آدمیاں دا عشق محبت قول قرار زبانی  
اچرک توڑیں نال نباہو جاں جاں نویں جوانی

رحمت تھیں نا اُمید نہ ہوئے متے تا نہ کریے  
عشق خزانہ دونہاں جہاناں جے لیختے تاں جریے

پردہ پاڑن شرم ہگاڑن ساڑن طعنے دے کے  
عاشق کارن پکڑا اڈارن مارن سوہرے پیکے

جس سر سر عشق دا او تھے شہوت مَول نہ ہسدی  
جس دل حُب سجن اُس وچ حُب نہیں ہر کسدی

عاشق دا رب عشق پکاوند ا دم دم سُکھ سہوندا  
رحمت لطف کماندا آپے مڑ مڑ پیا بچوندا

عشقے دی اے رسم قدیمی جلیاں تُوں اے جالے  
اگلا زخم نہ مَولن دیندا ہور اُتوں چاء ڈالے

جنہاں عشق بندے دا لگا صبر آرام نہ تنہاں  
سُتے بیٹھے اُس ول ویکھن لٹ کھڑے سَن جنہاں

عشق جنہاں دے ہڈیں رچیا روون کار اُناہاں  
مِلدے روندے وچھڑے روندے زوندے ٹردے راہاں

جس دل اندر عشق نہ رچیا گتے اُس تھیں چنگے  
مالک دے در راہی کردے صابر بھکھے ننگے

بھار عشق دا کسے نہ چایا ہر ہر عذر بہانے  
آکھ بلی بلا گل پائی انسا نے نادانے

جس دل اندر عشق سماناں اوس نہیں فر جاناں  
بھاویں سوہنے ملن ہزاراں ناہیں یار وٹاناں

جھولی پا انگار محمد کوئی بچا نہ سکے  
عشقاں مشکاں تے دریاواں کون چھپائے ڈکے

جتھوں کوچ کر بندے سوہنے لگیاں چھوڑ سرائیں  
عاشق تائیں نظریں آون بھریاں نال بلائیں

کیہ کجھ بات عشق دی دستاں قدر نہ میرا بھائی  
ایہہ دریا آگے دا وگدا جس دا لاہنگ نہ کائی

عشق مہار پھڑی ہتھ پئی جنگل جوحہ پھراندا  
نک نکیل پئی ہن ایسی مٹاں جو فرماندا

باہجھوں اکھر عشقے والے ہو نہ سبق پڑھائی  
رب اُستاد میرے نوں دیوے نیکی تے وڈیائی

چھم چھم تیر پون تلواریں عاشق نہ ڈر دے رہندے  
عشق پرہیز محمد بخشا نہیں کدے رل بہندے

دُکھ بلامت عشقے اندر جیوں لکھ اندر اگے  
جیوں جیوں لکھ اگ اندر پائیے بھڑک زیادہ لگے

واہ واہ بھاگ نصیب تنہاں دے یار جنہاں تے وکیا  
سچے عشق عاشق دے دل نوں پا مہاراں چھلکیا

عشقوں باہجھ ایمان نہ رهندا کہن ایمان سلامت  
مر کے جیوے صفت عشق دی دم دم روز قیامت

عاشق لوگ نے ایہہ فرماندے شیشہ عشق رُوحانی  
ایں وچوں تک لبیدے عاشق جو ورتی سرجانی



عشق قصائی چھری وگائی کوہندا دے دے لتاں  
چو نہیں گٹھیں حکم او سے کس پاسے نس وتاں

خاص انسان اونہاں نوں کہیے جہناں عشق کمایا  
دھڑ سر نال نہ آدم بن دا جاں جاں سر نہ پایا

عشق کہیا میں بنّہ بنّہ کھڑیاں بند تھیں بھلیاں بھلیاں  
مائی بابل پٹ پٹ تھکے واہاں مول نہ چلیاں

جس نوں عشق کسے دا ہووے اُس نوں عیب نہ دسدے  
سجناں دے جو عاشق ہندے عیب نہ ڈھونڈن اسدے

بعض عاشق نے ہن تک زندے دُنیا اُتے وس دے  
خاصاں تاکیں نظریں آون عامان بھیت نہ وس دے

موتوں سخت اڈ یک سجن دی عاشق جانن سارے  
ساعت سال مثال محمد باجھ وصال پیارے

دکھ تنگی سن عاشق والی پاؤں سگھ فراخاں  
 روندے ونیکھ کھلوندے ناہیں ہنس ہنس کرن مزاخاں

پل صراط عشق دا پینڈا سو جانے جو ٹر دا  
 آس بہشت دلیری دیندا نرگ وچھوڑا کر دا

جھلن ہار ملامت والے عشقے دے متوارے  
 بھکھا اونٹھ ہووے مستانہ بھار اٹھاوے بھارے

# ہجرتیاں گلستاں

(لے اوہ یار حوالے رب دے)

Urdu Digital Library

لے سجناں اَساں توڑ نبھائی جان دتی رُاہ تیرے  
حشر دیہاڑے شرماں تینوں پردے کج لکھیں میرے

لے اوہ یار حوالے رب دے لہجی پئی جدائی  
رب ملایا آن ملاں گے ہور اُمید ناں کائی

لے اوہ یار حوالے رب دے مڑ کس جگ تے آؤنا  
گلاں کر کر تیریاں سجناں جھوٹھا جی پر چاؤنا

لے اوہ یار حوالے رب دے میلے چار دناں دے  
اُس دن عید مبارک ہوسی جس دن فیر ملاں گے

مان نہ کریئے رُوپ گھنے دا وارث کون حُسن دا  
سدا رہون نہ شاخاں ہریاں سدا نہ پھل چمن دا



سدا نہ بھور ہزاراں پھر سن سدا نہ وقت امن دا  
مالی حکم نہ دے محمد کیوں آج سیر کرن دا

حسن مہمان نہیں گھر باری کیہہ اُسدا فرماناں  
راتیں لتھا آن کے ستا فجریں کوچ کر جاناں

لتمیں رات وچھوڑے والی عاشق دُکھے بھانے  
قیمت جانن نین اُساڈے سجن قدر نہ جانے

جے ہُن دلبر نظریں آوے دھمیں صبح دھگگانے  
وچھڑے یار محمد بخشا رب کیویں آج جانے

سدا نہیں مَرغابیاں بہناں سدا نہیں سرمائی  
سدا نہ ستیاں سییں گنداون سدا نہ سُرخ لانی

لکھ ہزار بہار حُسن دی اندر خاک سمانی  
ایہہ جی پریت لگا محمد جگ وچ رہوے کہانی

کئی بہاراں ہو ہو گئیاں ڈٹھے پت و چارے  
کئی ہزاراں بھور گلاں دے کر کر گئے نظارے

جاندے کتے نہ نظریں آوے گل پھل بھور ہزاراں  
دستاراں سر مٹی ہوئے سینکڑیاں سرداراں

لکھاں سرو آزاد اُچیرے ہو ڈٹھے سر بھرنے  
لکھ لالے رنگ لعلوں والے گالے داغ ہجر نے

لکھ کروڑاں آساں تھیں چنگے خاک ہوئی اس جانی  
جے جگ ہووے ناں ہووے اتھے ہے پرواہ نہ کائی

جنہاں گھراں وچ عیش کیے سن رل کے ناں پیارے  
اوہ گھر خالی کیوں گھر بھاؤن کھاؤن طرفاں چارے

توں بیلی تے سب جگ بیلی اَن بیلی وی بیلی  
سجناں باہجہ محمد بخشا سخی پی اے حویلی

اک تگاوا عشق تیرے دا دوجی بُری جدائی  
دُور وسیندیا سبناں مینوں سخت مصیبت پائی

لٹی رات وچھوڑے والی پل چل سکھیاں بھانے  
جو کوئی قید عشق دے اندر قدر اوہو کجھ جانے

الوداع اُٹھ چلے ساتھی ٹٹی کونج اڈاروں  
نت اُداسی تے گر لاسی کر کر یاد قطاروں

آسے آسے عمر گزاری جھلے خار ہزاراں  
مالی باغ نہ دیکھن دیندا آئیاں جدوں بہاراں

دُکھیے دی گل دُکھیا سُن دا قیمت قدر پچھانی  
کیہ دُکھیا جو دُکھیا اگے دے نہیں کہانی

جیوں دُکھئے نوں دُکھیا مل کے ہنجو بھر بھر روندا  
سکھئے تائیں تک کے سکھیا ایسا خوش نہ ہوندا

سدا نہ شیواں وکن بازاریں سدا نہ رونق شہراں  
سدا نہ موج جوانی والی سدا نہ ندیاں نہراں

سدا نہ باغیں بلبُل بولے سدا نہ باغ بہاراں  
سدا نہ ماپے حُسن جوانی سدا نہ صحبت یاراں

سدا نہ لاٹ چراغاں والی سدا نہ سوز پتنگاں  
سدا اڈاراں نال قطاراں رہن کدوں کلنگاں

سدا نہیں ہتھ مہندی رتے سدا نہ چھنکن ونگاں  
سدا نہ چھوپے پا محمد رل مل بہناں سنگاں

سدا نہ تابش سورج والی جیونکر وقت دوپہراں  
بے وفائی رسم محمد سدا ایہو وچ دیہراں

شام ہوئی تے ڈیگر ویلا پنچھی وی گھر آئے  
اوہ نہیں اوندے کدی محمد جہناں نوں موت لے جائے



ہائے افسوس اُنہاں دا جیہڑے سِکدے ملن پیارے  
سینے لاون اک ہو جاوَن درد بھلاوَن سارے

ایہہ پروانہ موت لیاندا فانی جگ تغیری  
دار بقا نوں ٹُریا سجن کر کے دیس فقیری

نیناں وچہ پئی غم غمزے غمزے کم غمازی  
کیونکر چھپی رہوے محمد بانس چڑھے دی بازی

کیوں سفر آجل دے ٹُریا عیب شتابی کر کے  
میں پھڑ پیر رکاب نہ چمچی سر قدماں تے دھر کے

ٹُر گئے آج ولدار دلاں دے وطنوں چُک مہاراں  
اُجڑی بستی نظریں آوے کنڈ وِتی جدوں یاراں

درد قصائی اندر وڑیا لے کے تیز کشاری  
ٹوٹے دل کلیجہ ہو یا میں ورداں دی ماری

اک اڈیا اک پھاہی پھاتا حکمت کاری گر دے  
دن چڑھے آج پیا وچھوڑا طاقت نہیں صبر دے

اندر باہر بھانبر بلیا کتے نہ دتے سر دی  
ساعت گھڑی محمد بخشا ثانی روز حشر دی

جت ول ویکھاں درد الے دھواں دھار غباری  
کتے آرام نہ نظریں آوے سڑ دی دُنیا ساری

کتھے یار کتھے رل خوشیاں کون تیتی دا بلی  
خونی لہر اے شہر وسیندا دوزخ گرم حویلی

تن کولہو دل بکھڑا میرا درد ٹساڈا تلی  
تیتی تاواں لا محمد پڑی جان اکیلی

پکڑی جان عذاباں جیونکر بیلنیاں وچ گناں  
آکھاں رہو نہ رہاں محمد صبر پیا بن بھٹاں

چہرہ زرد مٹی وچ ملیا اکھیاں نیر چلائے  
دلبر نوں آزار دلاں دے درداں نال سنائے

دن دن بھار ہجر دا اوہدا زور تحمل گھٹیا  
جے چاہے گھر توڑ پچائے راہ ناں جاندا سٹیا

جے سو پھولن غم دے پھولاں ورقاں داغ لگاواں  
درد منداں دے درد نہ مکدے جے لکھ گانے گانواں

ناں کوئی آسن ملن دی مڑ کے کون آنے اس پاسے  
چھوڑ گیاں نوں تروڑ پیارا کر کے کوڑ دلا سے

# ولیاں دی شان تے نسبت دے شعر



ولی اللہ دے بھانڈا تک کے پاؤں خیر حضوروں  
جیہڑا پاک غروروں خالی، سو پُر کر دے نوروں

سچے مرد صفائی والے جو کجھ کہن زبانوں  
مولا پاک ہے مَن دا اوہو پکی خبر اسانوں

ہر مشکل دی گنجی یارو ہتھ مردان دے آئی  
مرد دُعا کرن جس ویلے مشکل رہے نہ کائی

قلم ربانی ہتھ ولی دے لکھے جو مَن بھاونے  
ولیاں نوں رب طاقت بخشی لکھے لیکھ مٹاوے

مستخس چٹاں قدر نہ میرا صاحب نوں وڈیاں  
میں گلیاں دا رُوڑا گوڑا محل چڑھایا سائیاں

اوہ دلبر جو اک ککھ اُتوں گولا لے لے مینوں  
دو جہان کوئی دیوے سانوں اُس دا وال نہ دیے

پردہ پوشی کم فقر دا میں طالب فقراواں  
عیب کسے دے پھول نہ سکاں ہر اک تھیں شرماواں

ہے سلطان حسن دی نگری راج سلامت تیرا  
میں پر ویسی ہاں فریادی عدل کریں کچھ میرا

مُدھ بن جان لبّاں تے آئی جھلّیا درد بھیرا  
دیہہ دیدار محمد تائیں جگ تے اکو پھیرا

جنہاں دلبر پایا اوہناں نہ پرواہ کسے دی  
وِچ گوشے توحید انہاں دے ناہیں جا کسے دی

دُکھ سدا سکھ گاہ بگاہاں دُکھاں توں سکھ وارے  
دُکھ قبول محمد بخشا راضی رہن پیارے

دُکھ سدا سُکھ کدی کدائیں سُکھاں توں دُکھ وارے  
دُکھ قبول محمد بخشا راضی رہن پیارے

سدا بہار رہے اِس باغے کدی خزاں نہ آوے  
ہوون فیض ہزاراں تائیں ہر بھکھا پھل کھاوے

راتیں زاری کر کر روون نیند اکھیں دے دھوندے  
فجرے اوگنہار کہاون ہر تھیں نیویں ہوندے

آل نبی اولاد علی دی پیر سید گیلانی  
دستگیر جنہاں دا دادا کون تنہاں دا ثانی

گتے جو درگاہ اوہدی دے شیراں اُپر بھارے  
پیراں دے سر پر محمد واہ واہ پیر ہمارے

پیراں دے درباروں پاوے دائمِ علق مراداں  
مینوں وی کجھ شوقِ الہی بخشوئے فریاداں

پیر مرے دی دُھم چو فیرے آون ولی سلامی  
چمن خاک کریندے خدمت دعوے کرن غلامی

جس تے تیرا سایہ پیرا اوگن دے گن اُسدے  
جانی دشمن دوست نے ہندے جو دُکھی جو ہسدے

رحمت نظر تِساڈی جیکر میں تے ہووے سائیاں  
بخشنہارے دی کی حاجت جو کجھ عیب خطایاں

جو چاہے سو لکھے سائیاں مالک لوح قلم دا  
میں مسکین حوالے تیرے توں ضامن ہر کم دا

سدا محمد بخش نماناں ہلیا کرم فضل دا  
تکیہ پر نہ محض تِساڈا نہ کجھ راہ عمل دا

جس سر ہے دستار تِساڈی میں وی او سے در تے  
خیر خیرات بیٹھا کھانواں جے کجھ چاہندا در تے



میں نکاری اوگنہاری پر تقصیر بچاری  
مان تران تساڈا حضرت شرم شاہاں نوں ساری

آتش بخش محبت والی ساڈے غیر نبولاں  
پیرا شاہ قلندر اگے ہوواں وچہ مقبولاں

ماپے تے اُستاد مربی میں پر حق جنہاں دے  
رحمت بخشش مہر اللہ دی ہووے حق تنہاں دے

ہووے نصیب نبی دا کلمہ دین قبول محمد  
لا الہ الا اللہ سچ رسول محمد

عاشق کامل مرد اللہ دے خاصے لوک حضوری  
ظاہر آکھ سناندے بھائی ایہہ گل پکی بوری

پچیاں سُچیاں گلّوں

کنڈے سخت گلاباں والے دُوروں ویکھ نہ ڈریئے  
چُجھاں چلیے خون چوایئے جھول پھلیں تہ بھریئے

ہندے غرق جہاز دِلاں دے لگدا کون کنارے  
پر اِس دھن محمد بخشا جو ڈبے رب تارے

چار دیہاڑے عمر جوانی کر کے عیشاں موجاں  
سدا نہیں ایہہ دولت دُنیا سدا نہ لشکر فوجاں

جس پاسے اشنائی کریئے پکا لاء یرانہ  
اوڑک پوسے وچھوڑا اُس تھیں کر کے کوئی بہانہ

بے کوئی چاہوے وانگ محمد سرگردان نہ ہووے  
سوہنیاں دی اشنائیوں چھپ کے بیٹھے نال امن دے

عاقل تھیں بے عقل سدایا بھل گئیاں سب گیتاں  
 ننگ ناموس سنبھال محمد دین سیانے متاں

ہالی لوک کریندرے واہیاں سُکدے دُھپے سڑدے  
 سارے رنج نے بھل جانداں جد من بھایاں کر کھڑدے

اکناں دی گئی کھیت کمائی چھیکڑ گڑے گوائے  
 پوری پئی پریت اُنہاں دی مردے باز نہ آئے

جس وچ گجھی رمز نہ ہووے درد منداں دے حالوں  
 بہتر چپ محمد بخشا سخن اجیہے نالوں

باغ بہاراں تے گلزاراں بن یاراں کس کاری  
 یار ملے دُکھ جان ہمیشہ شکر کراں لکھ واری

ناریں چھ لگ نہ مرے چھڈ بچہ ایہہ کھیہڑا  
 سنبھل پیر نکائیے اتھے دُنیا بھلکن پیہڑا



کد کے تھیں مٹ دی شاہا متھے دی لکھوائی  
حق میرے وچ ایویں آہی لکھی قلم خدائی

اوّل زہد ریاضت اندر بیٹھ کنارے گل کھاں  
ڈھپا مینہہ سیالے پالے سبھ سرے پر جھل کھاں

کمتیں تے کنگال کینے ایہہ گل گنیں نہ بھاوے  
دھی چوہڑے دی سیّد مسگے فر دیندا شراموے

توڑے ہووے پیارا کوئی محرم یار وچولا  
فر اغیار دے اُس ویلے جدوں ملے خود ڈھولا

ویری دی کر ادب تواضع اپنی بھو گواہیے  
دُشمن تھیں کُرم کھائیے ناہیں لسیاں زور نہ لائیے

جگت زمانہ دُکھیں بھریا روون دھوون آہیں  
جے سکھ ہووے کتے ول وی تاں آدھیاں نوں ناہیں

صبرِ پیارِ زہراں والا اوّل مشکل بھارا  
اوڑک نفعِ اجیہا کردا جیویں تریاقِ پیارا

دیدے دلبر ویکھن کارنِ بنِ دلبر کیوں رکھاں  
جنہیں اکھیں یار نہ دے بھٹھ پیون اوہ اکھاں

ظالم درد وچھوڑے والا نام لیاں دل کنبے  
بری اڈیک جُدائی نالوں لُوں لُوں بن اَلنبے

یار یاراں ول جان ہمکے ہوراں سنگ نہ کھڑ دے  
چوراں ہار چو طرفی تک دے چھپ چھپ اندر وڑ دے

بس میرا کچھ وں نہ چلدا کیہہ تْساڈا کھوناں  
لے دا کیہ زور محمد نس جاناں یا روناں

آپو اپنے بول آوازے کوئی نہ کسے جہیا  
ہکناں دا مِل مہراں موتی ہکناں دھیلہ پیا

وقت جوانی ایس جہانی پنج ست روز عمر دے  
ایویں دکھاں وچ لنگھائے رو رو آہیں بھر دے

گوڑے بندے رب نہ بھاؤن میٹ زبان نہ رہندا  
گل اوہدی کوئی من دا ناہیں سب جگ جھوٹھا کہندا

توڑے لکھ افسوس بندے نوں لگے کم وہایاں  
مٹا لعل نہ جڑیا مُنڈ کے ہرگز پچھوں تایاں

توڑے مکتے بن کے رہیے وچ وطن دیاں گلیاں  
درد جھڑکاں سپتے تاں وی فر پردیسوں بھلیاں

سجن بھین بھرا نہ ہوؤن راضی جیس بھراؤں  
گھر آئے دا کرن نہ آور کپن اوہدیاں واؤں

دوست یار کسے دا اکدن آور بھاء نہ ہووے  
فر اوہ مکھ وکھاندا ناہیں یاری تھیں ہتھ دھووے

دُنیا باغ پرانا بھائی نویں نویں پھل بندے  
پھلن ساتھ چندے بعضے کوئی اک روز وسندے

پیوں پاڑ شگوفے کڈھے پھل ہوئے رنگ والے  
مالی توڑ بازاریں سٹے بُرے وچھوڑے والے

اَساں اُنہاں کد ملناں مڑ کے پئی ہمیش جدائی  
روون پھل محمد بخشا رج نہ شاخ ہنڈائی

سُخن کسے دے ہیرے موتی کوئی جواہر لعلوں  
اک دیوے اک شمع محمد اک چمکن وانگ مثالاں

لوئے لوئے بھر لے کڑیے جے تھدھ بھانڈا بھرناں  
شام پئی بن شام محمد گھر جاندی نے ڈرناں

درد مندوں دے سُخن محمد دین گواہی حالوں  
جس پلے پھل بدھے ہووَن آوے باس رومالوں



نیچاں دی اشنائی کولوں فیض کسے نہیں پایا  
کیکر تے انگور چڑھایا ہر گچھا زخمایا

رل سیاں پانی نوں ٹریاں کوئی کوئی مُڑی بھر کے  
جنہاں دا بھریا محمد بخشا اوہ پیر دھرن جر جر کے

سُکھاں نال لگائی یاری کر کے پریت پیاری  
فوج دُکھاں دی بن تن آئی ماری جان وچاری

دلبر دے وچھوڑے اندر جے رہیا میں زندہ  
ایس گناہوں آخر توڑی سدا رہواں شرمندہ

جو گتے تیرے درتے آئے اوہٹاں ذاتاں پاکاں  
تینوں جس پچھاتا ناہیں سر اُسدے تے خاکاں

سایاں والے سدا سُکھالے رب دے بالن دیوے  
مست اُست شراب وصل دی ہر دم رہندے کھیوے

دُنیا دی ہر مشکل تائیں دولت کرے آسانی  
ڈاہڈے قفل اُتارے ایہہ وی کنجی ہے رحمانی

باہجھ ادا آواز ریلے لگدا شیر اَلوناں  
دُڈھ اندر جے کھنڈ رلائیے مٹھا ہندا دُوناں

خُوراں تے غلّمان بہشتی چاہے خلقت سہاری  
تیرے باہجھ محمد مینوں ناں کوئی چیز پیاری

دُڈھ وجود تیرے وچ شیریں روغن دار سمانی  
مرشد لاوے جاگ پر م دی تاں جہتیں دُڈھ پانی

گل وچ پھاغماں دا گھت کے ذکر وں چھک مدھانی  
ہمت نال محمد بخشا مکھن آیا جانی

پینگاں بوہت ہلارے چڑھیاں ٹٹ زمین تے چڑھیاں  
کڑیاں فیر نہ مڑیاں پیکے سوہریاں نے جد کھڑیاں

نا اُمید سجن دے در تھیں نہ ہوساں نہ مُڑ ساں  
کدے تے رحم پوتے گا اُسُنوں ویکھ و بال اساڈے

کالی رات ہنیری اندر جے اوہ جھاتی پائے  
دن چڑھیا لو لگی شاید ایہہ بھلاوا جائے

جاں جاں اپنے آپے اندر جاء بندے دی ہوسی  
کر کر شادی کدی ہسے گا کدی غماں وچ روسی

جاں ایہہ اپنے آپوں نکلے نہ کوئی غم نہ شادی  
دوزخ داکم خوشی جنت دی دوہاں تھیں آزادی

ہر اک اندر دوزخ جس وچ سب ٹھوویں تے واسا  
اس دوزخ تھیں جد باہر آویں خطرہ رہے نہ ماسا

جے اُج باہر آویں ناہیں دوزخ نالے جاسی  
ہر اک سب اٹھواں ایویں روز حشر تک کھاسی

دھیاں بے سو دولت رجیاں سو بھن گھر نہ پیکے  
سوہریاں ول رخصت کریئے جو سر آوے دے دے کے

کٹتیں سُنیاں گلاں اندر گُوڑ طوفان بٹھیرے  
پاؤ نوں سیر بناؤندی خلقت ابھر گھنے گھنیرے

جھوٹھے نغمے چاء اُٹھاؤں جس وچ سچ نہ ماسہ  
بیوقوف منن سچ اِس نوں کرن سیانے ہاسہ

سُنیاں گلاں تے کیہہ باور باجھوں علم کتابوں  
جو عالم دے مونہوں سُنیاں سوئی کھری حسابوں

کیہہ ہو یا بے چہرہ ساڈا ہو گیا اے مردانواں  
جس دی نیت مرداں والی سو یو حرد سچاٹواں

کوئی کدھرے کوئی کدھرے آوے کوئی چھے کوئی آگے  
جیونکر میل دیاہوں مڑیا آپو اپنی وگے



کار کریں جو کہے کاریگر کریں ہنکار نہ کاروں  
عملاں تے دھر آس نہ ذرہ فضل منگیں سرکاروں

ہائے افسوس نہ دوس کسے تے لکھی قلم ربانی  
سجناں ہاجھ محمد بخشا زہر ہوئی زندگانی

مفت نعمت جس نوں لیجھے اوہ نہ قدر پہچانے  
مرمر کے ہتھ آوے جس دے دائم قیمت جانے

مرمر اک بناؤن شیشہ مار وٹا اک بھن دے  
دُنیا اُتے تھوڑے رہ گئے قدر شناس سخن دے

اوکھے ویلے کاری آوے بھلیاں دی اشنائی  
اڑیا آکھن دی لج پالن جو انسان وفائی

دُنیا تے جو کم نہ آیا اوکھے سوکھے ویلے  
اُس بے فیضی سنگی کولوں بہتر یار اکیلے

شعر میرے اس ملک اپنے وچ مَول نہ پاندے قیمت  
دُور دوراڈے جس نوں لبھن جانے بہت غنیمت

کیسر سستا ہے کشمیرے پچھو مُل لاہوروں  
پستہ تے بادام محمد ستے ملن پشوروں

کوئی کہندا پیڑ لکے دی کوئی کہندا اے چُک  
اصلی گل محمد بخشا وچوں گئی اے مُک

ناں گھر چاہڑے ناں سَکھ ڈُٹھے نہ کجھ کھٹی کھٹی  
نہیں کسے وَل لہنا کوئی نہ چھڈ چلے ترٹی

نہیں کھلوناں لائق تینوں نہ ٹُریاں پندھ مُکدا  
مشکل کم پیار سر تیرے کوئی علاج نہ ڈھکدا

پکا پیر دھریں جے دھرنا تلک نہیں مت جاوے  
سو اس پاسے ہے محمد جو سربازی لاوے

دُنیا اُتے جیون میرا ہرگز کسے نہ کاری  
تُو مطلوبِ دلے دا ہے سیں مٹھ نہ کیتی یاری

خوش آواز ہووے جے دُکھیا سُرور ادا سہاوے  
پتھر دل نوں موم کریندا جاں کوئی قصہ گاوے

دُنیا تے دل لان نہ چنگا بھٹھ اس دی اشنائی  
سب جگ چلن ہار ہمیشہ نہیں بنا ہو کائی

یاری لاون جان بچاون کرن کمال بے کرسی  
اک مرے اک ہسدا اُتے اوہ جانے جد مرسی

سکیاں ویراں بھیناں تائیں پیری کاٹھ پوائے  
عیب گناہ ڈٹھے بن اکھیں ہتھیں سوئے لائے

جے مکی گھر روٹی ہووے دُکھ دُوبے نوں لگے  
ہر قیمت بدنامی دے کے چغلی مارن وگے

ویراں بھیناں تے بھر جائیاں سمبھیناں دی گل بھائی  
ہو بہو وسالاں ساری ورتی جس جس جانی

دُنیا ڈاہڈی بوہتی دشمن بوہتے لوگ فسادِ  
چچی دا چاکاں بناون ہتھوں کچھ زیادتی

یار یاراں ول تكدے تگن ناں جر سکن طاعت  
فتنہ پاون شور مچاون گوشے کرن جماعت

بن کے ویری چاہڑ کچھری ایویں کرن خواری  
یاراں نالوں یار وچھوڑن بدیاں لان کواری

مہر محبت گئی جہانوں پیو پتر ہوئے ویری  
بھائی وانگ قصائی ہوئے مٹول نہ منگن خیری

یاراں یار پہچانن ناہیں کیا صورت اشنائیاں  
فتنہ شور فسادِ خصومت انتو انتاں چائیاں



درد فراق ترے دامینوں تاپ رہوے نت چڑھیا  
اوہو درد دوا اساڈی ہور نہیں کوئی اڑیا

لوڑن والا رہیا نہ خالی لوڑ کیتی جس سچی  
لوڑ کریندا جو مڑ آیا لوڑ اوہدی گھن کچی

لکھ جہاز ایسے وچ ڈبے کپھڑا پار اتر دا  
ایسی ندی دیاں موجاں تک کے دل دیراں بھر دا

دانش منداں دا کم ناہیں دُنیا تے دل لاؤنا  
اس ووہٹی لکھ خاوند کیتے جو کیتا سو کھانا

جس چھڈی اے بچے کھانی سو پو سگھڑ سیانا  
ایسی ڈائن نال محمد کاہنوں عقد بنانا

بے اک والا تیرے وچ میاں اپنی آپ خودی دا  
تاں وی بوہت نرگ نوں بالن اِکے عیب بدی دا

بابے نانک بانی اندر بات کہی یک رنگی  
وس ہونا مرُ جاندا ناہیں ، ریت سجن دی چنگی

تاج تخت سلطانی تج کے ٹھوٹھا پھرن گدائی  
رکھ اُمید سجن دے در دی کٹن جو بن آئی

کر کر یاد سجن نوں کھاندے بھن بھن جگر نوالے  
شربت وانگ پیارے ہتھوں پیون زہر پیالے

فیر خلاصی منکدے ناہیں جو قیدی دلبر دے  
پھاہی تھیں گل کڈھ دے ناہیں ہوئے شکار اس گھر دے

باروں دسں پہلے کالے اندر آب حیاتی  
ہونٹ سکے ترہایاں والا جان ندی وچ نہاتی

شرم حیاء نہ رہے کسے دا جھپٹن بدی نہ خواری  
دلبر باجھوں صبر نہ کردے جنہاں لائی یاری

جے اوہ جان پیاری منگے فٹ تلی تے دھر دے  
سر لوڑے تاں سہل چچھانن رتی عذر نہ کر دے

وچوں آتش باہروں خاکی دس دے حالوں خستوں  
جے اک نعرہ کرین محمد ڈھین پہاڑ شکستوں

ایویں کیویں مول نہ جانوں نت دا پھر آسمانی  
چڑھدے تارے تے مڑا ہندے دائم سرگردانی

کھیڈ تماشے کارن ناہیں ویلے تنبو تانے  
اک دھاگا بیکار نہ اُسدا کون حکمت گھر جانے

حُسن محبت سب ذاتاں وی اچی ذات پیاری  
نہ ایہہ آبی نہ ایہہ خاکی نہ ٹوری نہ ناری

حُسن محبت ذات الہی کیا شاہ کیا ہمایاری  
عشق بے شرم محمد بخشا بچھ نہ لاندایاری

جِنس کو جِنس محبت میلے نیئیں سیانپ کردی  
سورج نال لگائی یاری کت گن نیلو فر دی

چن چکوراں دی کی یاری تک تک ہوندے دل خوش  
شمع پتنگاں دی کی نسبت اوہ کیڑے اور آتش

بلبل نال گلے اشنائی خاروں مُول نہ ڈر دی  
جِنس کو جِنس محمد کتھے عاشق تے دلبر دی

آپوں چنگا جے کوئی ہووے ہر نوں بھلا تکیندا  
آپ محمد کون مٹاوے لکھیا لوح قلم دا

کدے سیانا کریں سودائی دے کے مست پیالہ  
کدے جھلے نوں شربت دے کے تر ت کریں سُدھ والا

جاں دلبر دی زُلفے اندر ماریں گنڈھ حُسن دی  
خفقانی دی سنگل اندر پین سیانے بندی



سنگ دے ساتھی لٹھی جاندے اساں بھی ساتھ لدا ناں  
ہتھ آوے نہ فیر محمد جاں ایہہ وقت وہاں

دم دم پین شراب غماں دی دم نہ مارن مَوَلے  
وٹ جھلن وٹ پان نہ متھے واہ تنہاندے رَوَلے

مٹھا نشہ شراباں والا پروچ تروٹک پھکی  
بلبل نوں خوش صحبت گل دی بری کندے دی وکی

حال اُنہاں دا کس نوں معلم پھر دے آپ چھپایا  
دل وچ سوز پستگاں والا چہرہ شمع بنایا

ایسا صدق لیاون اُس تے سچے نال دھیانے  
اُس پِن باغ بازار نہ بھاون لاون اک جہانے

چاندی پیر تکے جد چاندی جاندی جان پچاندی  
قد میں ڈھیندی عرضاں کہندی سجدیوں سیس نہ چاندی

اکھیں تیز کٹاراں وانگر کرن چو طرفی ماراں  
اکھ منکے چور اچکے چھپ چھپ کردے داراں

لوہا مقناطیسے تائیں اٹھ ملدا کر دھائی  
ہیرے موتی دیکھ نہ اٹھدا قیمت لکھ سوائی

جو گل گنتی وچ نہ آوے کاہنوں قلم گھسانی  
مدت ہوئی محمد کشا چھوٹی دس کہانی

جہڑے ساک نہ وئے اگے اج کوئی کد کردا  
قوموں باہر نہ ناٹھ دیندا خواہ ہووے کوئی مریدا

رات دے جو ہجر سجن وچ رہن ہمیشہ سڑ دے  
راتوں دن پچھانن ناہیں ناں لیندے ناں چڑھ دے

# ماں دی نشان

Urdu Digital Library

جو گچھ لاڈ پیار مانواں دا کیہ کچھ آکھ سناواں  
جے اَنج ماں ہندی تے روندی کیہ پرواہ بھراواں

جے اَنج مائی بابل میرے دُنیا اُتے ہندے  
خستہ حالی ویکھ پتر دی سَکھ نہ سوندے روندے

ترلے کر کر لدھے آہے خوشیاں کر کر پالے  
ہائے ہائے اَنج ناہیں تكدے ماپے جننے والے

مانواں والی مہر محبت جے تُوں اَنج نہ کر سیں  
میں مر جاساں نال افسوساں رو رو آہیں بھر سیں

جے لگ جان جُٹے وچہ میرے ایہہ اُمیداں آساں  
قدم تیرے پر صدقے کر ساں پکا عشق کما ساں



حضرت پاک نبی فرمایا جو نبیاں دا سرور  
صلی اللہ علیہ وسلم نالے آل اوہدی پر

جس قضائے ہوناں ہووے لکھی روز ازل دی  
جے سو ہون دُعائیں والے کسے طرح نہیں ٹل دی

پر جے ماپے راضی ہو کے کرن دُعائیں دل تھیں  
فرزندے توں ٹلن بلائیں بچ نکلے مشکل تھیں

ماں اولاد دے حق دے اندر کر دی نت دُعواں  
جس پر ماپے راضی ہوون اوہدیاں دُور بلاواں

کرے عبادت رب سچے دی زاری کر کر رووے  
بیٹے کارن وچہ درگاہے نت سوالی ہووے

ربا پُت میرے نوں رکھیں اپنی وچہ امانے  
نال مراد دے دے آنی پھیرا ساڈے خانے

جیکر نیک اولاد ہووے گی رب وٹوں پھل پاسی  
جے بد بخت ہو یا تاں کاہنوں ماں اُس دا غم کھاسی

کرے عبادت رب سچے دی زاری کر کر رووے  
بیٹے کارن وچہ درگا ہے نت سوالی ہووے



## منتقبت

اولادِ رسول جگر گوشہ بتول

حضرت پیر سید بہاول شیر قلندر رحمۃ اللہ علیہ (حجرہ شاہ مقیم)

حضرت میراں شاہ مُقیماں تیرا شان زیادہ  
سوہنا سخی جہدے گھر جایا علی امیر شہزادہ

نُوری ملک کریندے چوری خُوراں منگل گایا  
بالا پیر لکھاں دا داتا دھن مائی جس جایا

عالم تے رُوشنائی ہوئی چڑھیا چن نورانی  
حَسَنی سید پیدا ہویا صورت یوسف ثانی

مُجرے اندر کہریاں پھیراں دینی ڈنکے مارن  
لعل بہاول شیر قلندر دم دم نال پکارن

طوطے مینا مُجرے بولن دھن مقیم محمد  
گودی وچ کھڈا دے جس نوں نبی کریم محمد

جس نوں ویکھ سوا لکھ ہو یا عارف اہل ولایت  
کس نوں طاقت آکھ سناوے اُسدے قُرب نہایت

آل نبی اولاد علی دی واہ سید گیلانی  
دشگیر جنہاں دا دادا کون تنہاں دا ثانی

مُتے جو درگاہ اُہدی دے شیراں اُوپر بھارے  
پیراں دے سر پیر محمد واہ وا پیر ہمارے

پیراں دے درباروں پاوے دائم خلق مُراداں  
میںوں وی کجھ شوق الہی بخشو سُن فریاداں

دُمڑی والا لعل تِساڈا جس دی ہے منظوری  
پاک جناب اُنہاں دی اندر میںوں کرو حضوری



منتقبت اولادِ رسول جگر گوشہ بتول

حضرت پیرے شاہ غازی رحمۃ اللہ علیہ

بسم اللہ بسم اللہ اگوں مدح مبارک آئی  
ہادی مُرشد دی جس دے چارے گوٹ نوائی

مسلم ہندو کوئی نہ برسیوے سب لوکائی  
داتا سخی محمد بخشا دَن دَن دیگ سوائی

عاجز زردھن اُس دے درتے لکھ نعمت کھاندے  
ہک دَمڑی داتھفہ لے کے دیندا دان لکھاں دے

شاہ سُلطان اُنہاں دے بُوہے عاجز بن وکھاندے  
عاجز اُس دے شاہ سداون اُس د مال رکھاندے

بادشہاں دا پیر کہاوے پیراں شاہ کر جاتا  
پیرا شاہ قلندر غازی نت سوا لکھ داتا

زندہ پیر کرامت ظاہر فیض ہمیشہ جاری  
باغ نبی دا گل عجائب کھڑیا سدا بہاری

کھلے موتی

سکے راج

www.digital-library.org

ہور کسے کچھ عمل ہووے گا بد عملی ہتھ میرے  
ہے مسکین نواز خدایا کرم نیارے تیرے

جگ توں باہرے پاپ کمائے لائے فقر دے جامے  
توں سچا میں جھوٹھا رہا کیا لیکھا کیا نامے

فضل کریں تاں ڈھوئی سیّاں عدلوں ناں چھٹکارے  
کرم تیرے دی لکھی اُتے پاپ کمائے بھارے

جو کیتا سو بھلیاں کیتا سر پر میں تقصیری  
بد بختاں دے کم کمائے کر کے بھیس فقیری

توں سب عیب چھپائی رکھے پردہ مول نہ چاہیا  
عزت رزق بدن وچ میرے کچھ نقصان نہ پایا

نعت بہت دتی مدھ اتھے باہر لطف حسابوں  
اوسے لطف ہلایا مینوں لگی آس جنابوں

جس گھر منگتے آور ہووے بہوں اُتھائیں آوے  
جاں لاچار پوے کوئی اُس توں فیراوسے دردھاوے

میرا بھی مدھ آور کیتا دتے دان گھنیرے  
اگوں وی ہر اوکھے ویلے آس رکھاں در تیرے

عملاں والے لنگھ لنگھ جاندے کون چڑھاوے مینوں  
پار چڑھا جے رحمت تیری ہتھ پھڑاوسے مینوں

ہکناں عشق پیالے پیتے ہکناں زہد عبادت  
ہکناں کھوہ تلاب مستیاں ہکناں دان سخاوت

میں عیباں وچ عمر کھڑائی کر کر کاغذ کالے  
فر امید نہ توڑی رہا دیکھ کرم دے چالے



ہر اک دی میں آس تروڑی جو آساں کر آیا  
فر وی اُس تیرے در مینوں ہرگز نہ شرمایا

رحمت تھیں نا اُمید نہ ہوسیاں نال گناہاں بھریا  
بریا یاں دی حد نہ رکھی بھلا نہیں کچھ سریا

نسن چھین کتے نہ ہندا سر منہ اگے دھریا  
قہر کریں تے کوئی نیں چارا رحم کریں تاں تریا

اُن ہلّیاں نوں مخدہ ہلایا دے دے وافر چیزاں  
نام حبیب سچے دے کچھے رکھیں وانگ عزیزاں

قدر اپنے تھیں باہری منگی گل وڈی منہ زکا  
گین گین بہت سناواں کاہنوں لکھاں وی ایہہ اکا

آتش بخش محبت والی ساڑے غیر ہنیولاں  
پیرے شاہ قلندر اگے ہوواں اندر مقبولاں

کی کھٹیا کی وٹیا اگے ناں کچھ ہتھ ناں پلے  
 بوہا منگ کریم سچے دا رکھ جھولی کچھ گھلے

ہور کسے کچھ عمل ہووے گا بد عملی ہتھ میرے  
 ہیں مسکین نواز خدایا کرم نیارے تیرے

جگ توں باہر پاپ کمائے لا فقر دے جامے  
 توں سچا میں جھوٹھا ربا کیا لیکھا کیا نامے

جو کیتا سو بھلیاں کیتا سر پر میں تقصیری  
 بد بختاں دے کم کمائے کر کے دیس فقیری

توں سب عیب چھپائی رکھے پردہ مول نہ چایا  
 عزت رزق بدن وچہ میرے کچھ نقصان نہ پایا

ناں اشنائی نال ملاحاں پلے نہیں مزدوری  
 کون لنگھائے پار بندے نوں جاناں کم ضروری

ایہناں گلاں تھیں ہے کی لبھدا عیب کسے دا کرناں  
اپنا آپ سنبھال محمد جو کرناں سو بھرناں

ایہہ کی سخت زمانہ آیا ہائے ہائے وے آسماناں  
قدر بقدری موجاں مانے ہر کوئی وچہ جہاناں

لے اُتے زور لگاؤں کم نہ زور آور دا  
مویاں ہویاں ٹوں پھر کی ماریں بے انصافا مردا

کس مذہب وچ جائز آیا بھجن قول اقراروں  
اَوْفُوْ بِعَهْدِيْ پڑھیے مکھ نہ موڑیں پاروں

# مکالمہ عقل سے نفس

نفس کہے میں کالا ہویا کچرک توڑی جرساں  
لکھ مصیبت جھاگ نہ ملیا آج ملے بن مرساں

عقل کہے کیوں کملا ہویاں عشقے لج نہ لائیں  
اتنی سختی آگے جھلیا کوئی دن ہو ر لنگھائیں

نفس کہے ہن کتھوں ملسی نہ کوئی دس سنیہا  
آس ہندی دس پوندی جس دی آیویں جرن کوہیا

عقل کہے ایہہ کم عاشق دا عشقوں بس نہ کرنی  
لا کے بازی بے اندازی اوڑک وار نہ ہرنی

نفس کہے ایہہ ہارن کیہا میں مر مصر نہ چلیا  
راہ سجن دے اندر مر کے بہتر خاکوں رلیا



عقل کہے کھاتی مرناں کم ہندا شیطانی  
بھار لگا تاں پنڈ اُتاری نہیں عشق دی بانی

نفس کہے فرہادے لایا آپ سرے ٹوں تیشا  
اوہ مویا مردود نہ ہويا میں وہ اوہ اندیشہ

عقل کہے فرہادے سُنیا شیریں گئی جہانوں  
اوس جہان گیا سی ڈھونڈن مویا نہیں اک جانوں

نفس کہے کیوں مہینوالے ماری چھال جھنانویں  
مارو کانگ ڈٹھی سی سوہنی کیوں پئی دریانویں

عقل کہے ٹوں سمجھیں ناہیں اوہ مرنا کت پاسے  
دوویں اک دوجے ول ٹھلے گل ملن دی آسے

جے ایہہ مرنا جائز ہندا تاں مجنوں کیوں روندنا  
تریہہ ورھے کیوں سڑ دا رہندا مر سکھالا ہندا

جس دن ہیر ویاہی کھیڑے رانجھا وی مر جاندا  
کاہنوں کن پڑواندا ٹلے گل کفنی کیوں پاندا

دیکھ زُلیخا کتنی واری دُکھاں پی اِکائی  
موہرہ کھا نہ موئی تائیوں ہر عاشق دی مائی

ہور ہزاراں عاشق ہوئے دُکھئے تے لاچاری  
یارِ ملے بن دردوں اِک کے پیٹ چھری کس ماری

مرداں والا دا یاد رکھ کھاں ناں چھڈ پچھلی عادت  
وانگ کسی جے تے موویوں تاں وی عین شہادت

نفس عقل دی تابع ہندا جو کہندا سو من دا  
لگے پنڈ مقدم موچی ساڈے اُتے بن دا

جے کر شرح کراں اِس گل دی دُور سُخن ٹر جاندا  
کر کے صبر محمد بخشا قصہ چل سناندا

رُپا عیاں

Urdu Digital Library

## اوّل حمد ثناءِ الہ والی

اوّل حمد ثناءِ الہ والی فیر آکھ درود رسول اُتے  
 فیر آل اُتے اولاد اوہدی ہر یار اوہدے مقبول اُتے  
 نالے پاک امام حسن اُتے فیر کربلا دے مقتول اُتے

لکھ خط محمدؐا ہیر دا جیو  
 رکھ آرزو خاص وصول اُتے

اوہو نام اُتار دا بھار میرے

رب رکھیاں پاک امانتاں نی رکھیں فکر نہ ایس دا یار میرے  
 تیرے فکر تھیں بہت لاچار ہو یاں برس برس ہے لیل نہار میرے  
 اندر پئی اکلڑی گلنی آں میں سیّاں سنگ ناہیں رازدار میرے

آوے ہوش محمدؐ نام لیواں  
 اوہو نام اُتار دا بھار میرے



## تیرے نام خیال تھیں باہجھ کوئی

تیرے نام خیال تھیں باہجھ کوئی رہی یاد نہ آس مُراد مینوں  
دیتے سبق فی جیس نے وحدتے دے ملیا غم ہزار اُستاد مینوں  
تیرے سنگ تھیں سنگ فی بھل گئے مائی باپ ناہیں سیاں یار مینوں

اندر باہر محمد آ درد تیرا

کپھڑا باہجھ تیرے کرے شاد مینوں

## تیرے ملن دی آس تے جیونی ہاں

تیرے ملن دی آس تے جیونی ہاں نہیں جیونے دا کوئی رنگ ناہیں  
پکی فضل دی آس نراس تا نکیں ہور ملن داوی کوئی ڈھنگ ناہیں  
گھلاں کیس نوں پاس تسا ڈڑے جیو کوئی سنگ ایسا یک رنگ ناہیں

تیری جوت تے موت محمدے دی

موسے باہجھ حیات پتنگ ناہیں

## مکھ دس مینوں جیویں بھاوناں ایں

چائی دکھ کھاری پنڈ سکھ ساری مکھ دس مینوں جیویں بھاوناں ایں  
ہن غم تھیں دم فی تم ہندے جتھے آپ قدم ناں پاوناں ایں  
دوروں ویکھ کے جیوڑا سکھ پاوے انگ تتری نوں نہیں لاوناں ایں

گھل باس محمد اساس اٹکن

جیوندے پاس نہیں آجے آوناں ایں

## تیرے ملن باجھوں کھلے صدر ناہیں

چھ طرف وٹوں راہ بند ہوئے تیرے ملن باجھوں کھلے صدر ناہیں  
اکھیں سکدیاں فی راہ ویکھنے ٹوں راہ تکنے دا میرا قدر ناہیں  
گھر اپنے بیٹھ کے کرن گلاں کیہڑا شخص لانداتیری بدر ناہیں

آویں حال سنبھال محمد آ جیو

کریں کالیاں واٹرا غدر ناہیں

## تیری بندی آں میں تیری بندی آں میں

نہیں وہم خیال برابری دا تیری بندی آں میں تیری بندی آں میں  
 مردی اپنی دار کھ شرم بلی سٹ پاناہیں توڑے مندی آں میں  
 کدے مکدے ناں احسان تیرے شرمندی آں میں شرمندی آں میں

رکھ نال محمد آ گولڑی نوں

چاہیا رب ناں توڑ ساں تندیاں میں

## ہُن آ پیار یاہاری آں میں

ہُن آ پیار یاہاری آں میں سڑی رت تے بھلیا گھت ساری  
 نیند بھکھ گئے سب سکھ گئے تیرے دکھ نے ماری آمت ساری  
 سیاں طعنیاں نال اڈاندیاں فی کھیڑے سنگ نہ وسدی وت پیاری

راٹھا یار محمد آ ہیر ٹوں جی

نہیں توڑ دی ہے جت ست کواری

## جُگ جُگ جیوے اُستاد جانی

یاراں باجھ ناں جینواں بھاوند اے نہیں مرن والا کجھ صا د جانی  
 یاراں پاس ہوئے جند سونپ دیئے کدی جان تا ئیں کرے شاد جانی  
 ملے یار تاں جان نثار ہوئے نہیں تاں عمر گئی برباد جانی  
 جیس عشق دا سبق پڑھایا اے  
 جُگ جُگ جیوے اُستاد جانی

## آیا وقت جاں نیک حساب اندر

اوّل پیر فقیر نوں سور یو نی ساڈا شرم رہے اس باب اندر  
 ہووے پاک جمال پیاریاں دا جیہڑے لبھدے نہیں ہُن خواب اندر  
 بدّھے لک نی دوہاں نے ہمتاں دے جدوں نکلی فعال کتاب اندر  
 پیغام محمدؐ گھلیو نے

آیا وقت جاں نیک حساب اندر



## اُستاد باہجھوں ناہیں کسب آوے

اُستاد باہجھوں ناہیں کسب آوے پھڑاں پیر اُستاد کمال کوئی  
ہتھوں اوس دیوں فقر لباس پہناں ہووے جھوٹ ناہیں میرا حال کوئی  
دے فقر دی رمز یا فن منتر جادو سحر سبب وصال کوئی

ہوروں ہور محمد آ کر ملناں

دے یار دا حُسن و جمال کوئی

## صحبت پیر دی باہجھ تا شیر ناہیں

پھڑے پیر دے باہجھ جو پہن جلی جلی مار کے آپ فقیر ہويا  
صحبت پیر دی باہجھ تا شیر ناہیں توڑے پہن اُلفی بڑا پیر ہويا  
گلاں سکھ سکھا کے کر لیاں تزویر کولوں تصویر ہويا

رہتا دیہہ پناہ محمدے تُوں

بھلا اِس تھیں پر تقصیر ہويا

## پانواں پیر کوئی جیہڑا یار میلے

پانواں پیر کوئی جیہڑا یار میلے کرے نظر مہم اٹھا دیوے  
ہکے منتر اں جنتر اں جادواں تھیں میرا کام تمام بنا دیوے  
سچ آکھیا سچیاں جو ڈھونڈے وچہ ڈھونڈ دے آپ گوادے یوے

مقصود محمد آ پاوندا اے

جیہڑا قصد نوں توڑ پچا دیوے

## چوداں طبق دسّن وچہ پیر دے جیوں

نقش پیر دا دیکھ کے محو ہو یا رچے پنچ حواس اندر  
چوداں طبق دسّن وچہ پیر دے جیوں سبھ جن ملک سی ناس اندر  
ہستی اپنی چھوڑ اُساس مارے آوے جگر دی بُو اُساس اندر

سدھا الف محمد آ ہو گھلا

چھڈ لکھ لکھ دی آس اندر

## ڈٹھا پیر نے دُرِ یتیم رانجھا

ڈٹھا پیر نے دُرِ یتیم رانجھا قابلِ خیر دے استعداد والا  
 وِجِ عشق دے شہر دے ہے خسرو چایا کم سو آپ فرہاد والا  
 کیتی نظر تے دھوتیاں اوہ چیزاں جہناں وِج سے رَلا فساد والا

بھانڈا مانج محمد آ صاف کیتا  
 آیا وقت مُراد ارشاد والا

## ہتھ آیا عشق دا گنج تینوں

مہربان ہو یا پیر پچھدا اے بچہ دس کھاں کی ہے رنج تینوں  
 غم ناک تے جگر ہلاک وِستیں کوئی یاد ناہیں شش پنج تینوں  
 پرواہ ناہیں تینوں غیر دی جیوں ہتھ آیا عشق دا گنج تینوں

آنسو بند محمد آ نہیں تیرے

توڑے لنگھ جانوں صبح سچ تینوں

احسان کریں میرے نال پیرا

منتر جوگ داسکھناں بھوگ مینوں جگ روک تھیں باہر نکال پیرا  
 دس اپنا علم تے ٹھیل مینوں احسان کریں میرے نال پیرا  
 سب دیس تے ویس میں چھوڑ آیاں بھلا وطن تے جھنگ سیال پیرا

ہستی اپنی چھوڑ محمدآ جیوں

تیرے پاس ہواں پائمال پیرا

آیا منزلاں ماردا پاس تیرے

آیا منزلاں ماردا پاس تیرے ہُن باجھ مراد تھیں جاوناں کی  
 دتا چھوڑ تمام تعلقاں نوں فیر فکر اوہدا دل پاوناں کی  
 جاں جاں جیوساں تھیوساں نفرتیرا تیری طرف تھیں مٹھ ہٹاوناں کی

جھاڑو پھیر محمدآ مرا تیرا

گھر بار تے چت لگاوناں کی



## لڑی جوگیاں دی وچ سجیا میں

سٹے بہن بھائی گھر بار وطن سب کچھ جہان دا تجیا میں  
 خاندان تیرا دان چاہیا سی تاہیں در تیرے آ وجیا میں  
 کیے ایہہ طریق قبول دلوں لڑی جوگیاں دی وچ سجیا میں  
 خالی ہو محمدآ آپ تھیں جو  
 ہو ناد آگے تیرے وجیا میں

## ہو یا یار غریب اکیلیاں دا

گولا ہو رہساں تیرے گولیاں دا چلاں چال چلن تیرے چیلیاں دا  
 ریس راس ناہیں کسے نال میری نفر ہو رہاں البیلیاں دا  
 ہے یار دے باجھ نہ چاہ کوئی غماں شادیاں مندریں میلیاں دا

رکھ ہتھ محمدآ سے میرے

ہو یا یار غریب اکیلیاں دا

## جنہاں عشق را کھا ہو یا جان اُتے

پڑی اوہ فقیر نے آپ ڈٹھی اُجے خون دا ہے نشان اُتے  
 کوئی چھاں نہ چھیری ہو اوہلا ٹکی وکھرے اک مکان اُتے  
 برکت عشق دے نال نشان قائم ہو یاں بارشاں کئی جہان اُتے

ایویں نہیں محمدؐ خاک ہندا  
 جنہاں عشق را کھا ہو یا جان اُتے

## نفی غیر دی جد تمام ہوسی

نفی غیر دی جد تمام ہوسی نفی اپنی دا پھڑ کم بلی  
 نفی غیر ارادتاں خواہشاں دی بشرتیاں دے اٹھن غم بلی  
 کم ربدے وچ فنا ہوویں سب کم ہوون تد تم بلی

سب ہون محمدؐ اوس پاسوں

کوئی مدح کہے کوئی ذم بلی

## جیہڑا جان دا ویکھ دا حال تیرا

حاضر رکھ اَلکھ نوں ہر ویلے جیہڑا جان دا ویکھ دا حال تیرا  
 تسلیم ہوئے جند جان جُشہ رہے باہر ناہیں اک وال تیرا  
 مُردے وانگ بنے مرد ہتھ اوہدے ہووے آپ اوہو غسٹال تیرا  
 جاوے دوستی دُشمنی بغض کینہ  
 فدا ہو جائے سب مال تیرا

## گُڑیاں سوہنیاں تھیں نستیں دُور بلی

کوئی حرص ہواتے آرزوی جیوں مدح ذم ناہیں کوئی یاد ہووے  
 لوں لذتاں نال ایہناں صحبتاں تھیں صحبت ناروی نار فساد ہووے  
 گُڑیاں سوہنیاں تھیں نستیں دُور بلی ایس کم تھیں غمرب باد ہووے  
 وڈی ماں جانی نکلی بھین سمجھیں  
 چیتے وج تاں ہور سواد ہووے

## سڑی رت پیّاں بے سوادیاں فی

بربادیاں نامرادیاں جیوں چھڈے شادیاں ہو ر آزادیاں فی  
 ساک اَنگ بھلے راگ رنگ بھلے نام ننگ بھلے دامادیاں فی  
 ماری مت تے پت تے گت بھلی سڑی رت پیّاں بے سوادیاں فی

ہتھوں کھس ڈوراں لیاں درد ہوراں

سوراں نت پیراں بُغدادیاں فی

اِس درد دا ہو ر دوانا نہیں

مدہوش پھراں اتے خوشی اندر رہی حرص ہوا دی وا ناہیں  
 خاندانیاں ہو ر جوانیاں تے کامرانیاں دا رہیا چا ناہیں  
 سر پگ ناہیں پیریں نہیں جوڑا گویا یاد مینوں سروپا ناہیں

ڈہٹھا آ محمد آ در تیرے

اِس درد دا ہو ر دوانا نہیں



## ڈگیا آن میں ایس جناب اندر

نام رب دا اے سنی عرض میری دستگیر ہوویں ایس باب اندر  
 سب مان تران توڑ کے جیوں ڈگیا آن میں ایس جناب اندر  
 کچھ عیب تے غیب تھیں کھول بُوہا کر کرم نہ رکھ عتاب اندر  
 تیری طرف تھیں سب فنا ہوون  
 جیہڑے عیب نہ مٹن حساب اندر

## ایویں رایگاں عمر گوانا ہیں

موتی لعل تے ایہہ انفاس ہیرے ایویں رایگاں عمر گوانا ہیں  
 ایہہ عمر عزیز بے مُفت گئی تلیاں مَلدیاں ہتھ گھسا ناہیں  
 ایہہ گڈیا وڈیا کھیت سارا برباد ہوا اڑا ناہیں  
 لنگھے وقت محمدؐ آ لہدے ناں  
 پناں رب دی یاد لنگھا ناہیں

## کریا و خدائے نوں ویلڑا ای

پچھوں تاو سیں گا ایس ویلڑے نوں کریا و خدائے نوں ویلڑا ای  
 کچھے لگ ناں صورتاں سوہنیاں دے ایتھوں جاوناں آنت اکیلڑا ای  
 لا چت بیٹا وچ معنیاں دے چھڈ صورتاں دا وا ویلڑا ای

سُن مت محمّا پیر دی جیو  
 کوئی یاد کرے ہو یا چیلڑا ای

## کٹے غم ناہیں دل شاد ہو یا

فرہاد دانا تے ذات اُچی شیریں یاد کیتا برباد ہو یا  
 کڈھے نہر تے حوض پہاڑ کٹے کٹے غم ناہیں دل شاد ہو یا  
 یوسف مصر نوں ویکھیا خواب بی بی رہناں مغربے سخت بیداد ہو یا

وچ مصر دے کٹیاں سختیاں نی

کدوں ایہہ حساب ہے یاد ہو یا

## ربا میں یتیم غریب عاصی

ربا میں یتیم غریب عاصی مسکین اَسیر ہوئی دے نُوں  
سُست رہیا عبادتوں بہت غافل مشغول گناہ خطائی دے نُوں  
محض اپنے فضل تے رحم کولوں بھلاں بخشدے محور جائی دے نُوں

مہربان محمدآ کر میں تے

غازی پیر شاہ مرد خدائی دے نُوں

نون نفس ہے اونٹھ تے بار دُنیا

نون نفس ہے اونٹھ تے بار دُنیا ہریاں رکھنی پت تے خار والے

ایہناں لذتاں وچہ نہیں بھل گئے چیتے اوہ اَلست دے بھار والے

شیطان بریڈڑا مگر ہو یا پئے یاد تاں سنگ قطار والے

ہُن اڑی نکیل محمدآ جیو

جھب پہنچنا ملک مہار والے

دوہڑے



## غم بوہتے غمخوار نہ کوئی

غم بوہتے غمخوار نہ کوئی گین گین دستاں کہنوں  
 جس دے پچھے جرم گویا مُکھ نہ دسیوس مینوں  
 جو کجھ باپ مرے دُکھ کر دے کی ہے خبر کسے نوں  
 سو پو جانے قدر محمد تن من لگ دی جہنوں

## دلبر مُکھ دکھاندا ناہیں

ڈٹھے باجھ پریت لگائی ہو گیا جس ہوناں  
 ہسن کھیڈن یاد نہ مینوں پیا عمر دا روناں  
 دلبر مُکھ دکھاندا ناہیں داغ مرا کس دھوناں  
 سجن دا در چھوڑ محمد کس در جا کھلوناں

## اپنے آپ لگائی یاری

اپنے آپ لگائی یاری یار کہاں دلبرِ نوں  
 بے پرواہ تر مال گنبدِ ایس اساڈی زرنوں  
 سورج دی اشنائیوں کی کچھ لہھیا نیلو فر نوں  
 اُڈ اُڈ موئے چکور محمد سار نہ یارِ قمر نوں

## راہِ تکاں ہر ویلے

شاہِ پری دی چاہ میرے دل راہِ تکاں ہر ویلے  
 ممت رب سچا مہریں آوے آن میرے سنگِ میلے  
 پا شطرنجِ محبت والا سر سر بازی کھیلے  
 ویکھ دیدارِ محمد سر دھڑ وار دیئے اُس ویلے

## جان تیرے توں واری

آسجناں منہ دس کدا ئیں جان تیرے توں واری  
 تُوں ہیں جان ایمان دِلے داندھ بن میں کس کاری  
 حُوراں تے غلمان بہشتی چاہے خلقت ساری  
 تیرے باجھ محمد مینوں ناں کوئی چیز پیاری

دم دم جان لباں پر آوے

دم دم جان لباں پر آوے چھوڑ حویلی تن دی  
 کھلی اڈیکے مت ہُن آوے کدھروں واسجن دی  
 آویں آویں چر نہ لاویں دے جھات حُسن دی  
 آئے بھور محمد بخشا کر کے آس چمن دی

## لٹمی رات وچھوڑے والی

لٹمی رات وچھوڑے والی عاشق دُکھئے بھانے  
 قیمت جانن نین اَساڈے سَکھیا قدر نہ جانے  
 جے ہُن دلبر نظریں آوے دھمی صبح دھگانے  
 وچھوڑے یار محمد بخشا رب کیوں آج آنے

## میں فریادی تھیں در آیا

اے محبوب مرے مطلوباً تُوں سردار کہایا  
 میں فریادی تھیں در آیا درد فراق ستایا  
 یک دیدار ترے تُوں سِکدا روح لباب پر آیا  
 آمل یار محمد تائیں جاندا الکی وقت وہایا



## اک نگاہ عشق تیرے دا

اک نگاہ عشق تیرے دا دُوبی بُری جدائی  
 دُور وسیندیا سبناں مینوں سخت مصیبت پائی  
 وس نہیں ہُن رہیا جیوڑا درداں ہوش بھلائی  
 ہتھوں چھٹی دُور محمد گڈی وا اڈائی

اوہو درد دوا آساڈا

درد فراق ترے دا مینوں تاپ رہوے نت چڑھیا  
 اوہو درد دوا آساڈا ہور نہیں کوئی اڑیا  
 منجی نامراوی والی جس دن دا میں چڑھیا  
 شربت تیرا نام محمد پیتا جان جی سڑیا

## گل میرے ہتھ تیرے سجناں

گل میرے ہتھ تیرے سجناں اُچّا سہا نہ بھرنا  
 جو کچھ چاہیں سو یو چنگا جو آکھیں سو کرنا  
 ناں صلاح ایہہ اپنی کوئی نہ کوئی تکیہ بھرنا  
 دین عشق دے کفر محمد آپے نوں چت دھرنا

## سدانہ رُوپ گلاباں اُتے

سدانہ رُوپ گلاباں اُتے سدانہ باغ بہاراں  
 سدانہ بھج بھج پھیرے کرسن طوطے بھور ہزاراں  
 چار دیہاڑے حُسن جوانی مان کیہا دلداراں  
 سیکدے اَسیں محمد بخشا کیوں پرواہ نہ یاراں

## دردِ دلے دے سارا

ربا کس نوں پھول سناواں دردِ دلے دے سارا  
 کون ہووے اُج سا تھی میرا دکھ ونڈاؤن ہارا  
 جس دے نال محبت لائی چا لیا غمخوارا  
 سوہنا دس دا نہیں محمدؐ کی میرا ہُن چارا

سدا رہواں شرمندہ

دلبر دے وچھوڑے اندر بے رہیا میں زندہ  
 ایس گناہوں آخر توڑی سدا رہواں شرمندہ  
 چا میری پئی چا محمدؐ گل میری گل کی آ  
 مَن لئے میں بول سجن دی بے لکھ آکھے مندا

کر کر یاد سچن نُونِ روواں

کر کر یاد سچن نُونِ روواں مُول آرام نہ ڈھوئی  
 ڈھونڈ تھکا جگ دیس تمامی رہیا نظام نہ کوئی  
 رُٹھا یار مناوے میرا کون وسیلہ ہوئی  
 لا صابون محبت والا داغ غماں دے دھوئی

باغِ تماشا شے ہسن کھیڈن

جگ تے جیون باہجھ پیارے ہو یا محال اَسانوں  
 بھل گئی سُدھ بُدھ لگا جاں عشق کمال اَسانوں  
 باغِ تماشا شے ہسن کھیڈن خواب خیال اَسانوں  
 جاون دُکھ محمد جس دن ہووے جمال اَسانوں



## پھٹ گئی جیبھ قلم دی

کیہ گل آکھ سناواں سبناں درد فراق ستم دی  
 آیا حرف لبناں پر جس دم پھٹ گئی جیبھ قلم دی  
 چٹا کاغذ داغی ہو یا پھری سیاہی غم دی  
 دکھاں کیتا زور محمد لکھیں خبر اس دم دی

## بند یا خوف خدا دیوں ڈریے

بند یا خوف خدا دیوں ڈریے کرے مان نہ ماسہ  
 جو بن حسن نہ توڑ نبھاہو کی اس دا بھرواسہ  
 ایہناں مونہاں تے مٹی پوسی خاک نمائی واسہ  
 میں مر چکا تیرے بھانے آجے محمد ہاسہ

ناں میں لائق وصل تیرے دے

ناں میں لائق وصل تیرے دے نہیں فراق جھلیندا

نہ اس راہوں مڑاں پچھا ہاں نہ مدھ پاس بلایا

دکھ قضیے سن کے میرے ہر اک دا دل سڑ دا

مدھ نہ لگا سیک محمد میں تن عشق جلایا

میلے پیر پیارا

دور وطن ہمراہ نہ کوئی پیا قضیہ بھارا

کھولیں قید اُمید تیری تے یا مرشد سُچپارا

بڑی جدائی سیہنی آئی مڑ گیوں دلدارا

رب رحیم غفور محمد میلے پیر پیارا

## آیا یار محمد بخشا

واہ وا گھڑی مُبارک والی ساعت نیک حسابوں  
 آوے واسجن دے پاسیوں ہووے کرم جنابوں  
 جھب دے مل دا یار پیارا نکلے فال کتابوں  
 آیا یار محمد بخشا چھٹ سی جان حسابوں

## سائیں توڑ پچاوے

بھارا بھار پریت لگی دا سائیں توڑ پچاوے  
 وا فجر دی باغ ارم دی بو بہار لیاوے  
 کچھم دا کر دان سسی دے پتن باغ ساوے  
 سوہنا یار محمد بخشا گھٹ وچہ نظریں آوے

# عظیم شعراء کے عظیم کلام

کلام ابر شاہ وارثیؒ

کلام اصغرؒ

کلام نیازیؒ

کلام ناصرؒ

کلام اجلؒ

کلام حاکمؒ

کلام سجنؒ

کلام مقصود مدنیؒ

کلام صابرؒ

کلام رفیقؒ

کلام میاں محمد بخشؒ

کلام بابا بلھے شاہؒ

کلام اعلیٰ حضرتؒ

کلام صائمؒ

کلام نصیرؒ

کلام حافظؒ

کلام ظہوریؒ

کلام اعظمؒ

کلام سردارؒ

کلام ساجدؒ

چشتی کتب خانہ ارشد مارکیٹ جھنگ بازار فیصل آباد

03007681230 □ 03006674752



# مقررین کے لئے کتبِ تقاریر

خطباتِ چشتیہ 3 جلد

سید شبیر حسین شاہ کی تقریریں

مولانا شفیع اوکاڑوی کی تقریریں

عبدالوحید ربانی کی تقریریں

شانِ خطابت

نجم الخطیب

سید ہاشمی میاں کی تقریریں

خطبات مختار شاہ

خطباتِ ڈوگر

سید فدا حسین شاہ کی تقریریں

اکرم رضوی کی تقریریں

ضیاء اللہ قادری کی تقریریں

قاری محمد دین نعیمی کی تقریریں

مشتاق سلطانی کی تقریریں

مولانا سعید مجددی کی تقریریں

مولانا سعید احمد اسد کی تقریریں

خواتین کی محفلِ میلاد

خواتین کی محفلِ نعت

خواتین کے لئے درسِ قرآن

خواتین کے لئے درسِ حدیث

تبلیغی تقریریں

سید فیض الحسن شاہ کی تقریریں

چشتی کتب خانہ ارشد مارکیٹ جھنگ بازار فیصل آباد

03007681230 □ 03006674752

نقیب حضرات کے لئے نقابت کے حسین شہ پارے

# حُسنِ نقابتِ اوّل دوم پنجابی نقابتِ دی ڈائری

اندازِ نقابت

رہبرِ نقابت

نقابت کی ڈائری

نقابت کے رنگ

فیضانِ نقابت

چشتی کُتب خانہ فیصل آباد 03007681230

# خوشخبری

نائبِ حُسنِ حضرت علامہ صائم چشتی رحمۃ اللہ علیہ

کا آفاقی کلام

گُلّیا تِ صائم چشتی اُردو نعت

گُلّیا تِ صائم چشتی پنجابی نعت

شائع ہو چکی ہے

آج ہی طلب فرمائیں

چشتی کُتب خانہ فیصل آباد 03007681230



# عظیم شعرا کا عظیم کلام

کلام بامہوؒ

کلام بلھے شاہؒ

کلام خواجہ غلام فریدؒ

کلام صائمؒ

کلام حیرت شاہ وارثیؒ

کلام ابر شاہ وارثیؒ

کلام ظہوریؒ

کلام سردار حسین سردارؒ

کلام ساجدؒ

کلام اجملؒ

کلام ناصرؒ

کلام حافظؒ

کلام صابرؒ

کلام اعظمؒ

کلام رفیقؒ

کلام نیازیؒ

کلام اصغر علی اصغرؒ

کلام سجنؒ